




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2249/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2249/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2249/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2249/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2249/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2249/A

N. IV. E
16
2249/A

A. inter...
ma...
...
...

[Faint, mostly illegible text in the center of the page]

[Faint, mostly illegible text at the bottom of the page]

12. 36 271
A V G E R I I

FERRERII TOR-

LOSATIS MEDICI

LIBER DE

SOMNIS.



Hippocratis de Insomniis Liber.


Galenii Liber de Insomniis.


Synerii Liber de Somnis.



L. P.
LVGDVNI,
Apud Ioan. Tornesium.

M. D. XLIX.





AUGERII FERRERII

Medici, in librum suum de Somnijs,

ad Doctiss. uirum Robertum

Hayum, Remensem,

Præfatio.

*



V M mecum ipse re-
puto, Doctiss. Hay,
quid, quantum ue in-
finiti propemodum
nostri temporis, & antiqui scri-
ptores in tradendis disciplinis, &
omni rerum inquisitione præ-
stiterint: non possum satis lau-
dare antiquorum vigilantiam,
qui cum naturalem philosophiã,
mathematicasq; artes, & omnem
de moribus sapientiam ad um-
bolicum (quod dicitur) deduxif-
sent, mox impetu quodam ani-

A 2 mi

mi ad maiora delati, summa intelligentia cum immortalibus animis, atq; purissimis ideis versari coeperunt, vt tanquam ab eis edocti, secretissima naturæ mysteria, ea etiam quæ nos vilissima esse putamus, diligentissimè pertractarint. Extabant olim commentaria multa de Aruspicina, de Augurijs, & alijs prædictionibus: quæ si leuissimas illas inspectiones, & volatus tantum, vt vulgus existimat, continuissent, nunquam profectò eas diuinus Plato inter humanæ prudentiæ artes cõnumerasset: nunquam tanto honore dignatos esset huiusce professionis homines perspicax, eruditaq; antiquitas, vt temerariũ putaret ijs inconsultis publicũ, priuatum uel
aliq

aliquod negotium auspiciari. Habebant Romani libros suos Sibyllinos, in quibus legebantur fatales Reip. mutationes. Habebant descriptiones rerum reconditarum, quibus in expugnandis hostibus, in euocandis obsessorum urbium numinibus, in excitando tutelari Deo, in placandis denique superis opportunè vterentur. Circunferiebantur priscis illis temporibus trigiesis sexies mille, quingenta, atque viginti quinque Mercurij volumina, in quibus perfectè demonstrabantur quaecunque de intelligibili essentia, de prima unitate, de empyreis, æthereis, & cælestibus numinibus, de taciturno cultu primi exemplaris, quod Iæthon appellat, de Deo Emeph,

A 3 de

de opifice intellectu , de dæmonibus , de cœlesti potestate , de vaticinijs , & reconditis naturæ facultatibus in dubium reuocari poterant. Obseruauit secuta ætas dogmata Salaminiaca , quòd breuissimam partem Mercurialium ordinationum continerent. Et prophætæ Bitis interpretationes amplexata est , qui Dei nomen discurrens per vniuersum , Ammoni regi inuocandum , ac venerandum præbuerat. Extabant tunc temporis Philolai Pythagorici opera , quibus eruditior factus Plato , cum plurima de immortalibus animis , & rerum dispensatione conscripsisset , perpetuum ex diuinitate nomen sibi comparauit. Prostabant Thaletis ,
Parm

Parmenidis, Melissi, Anaxagoræ, Empedoclis, Heracliti, Anaximenis, Democriti, Eudoxi, Archytæ, Pythagoræi Paronis, & aliorum, Mathematicæ, Physiologicæ, Metaphysicæ, aliæq; de abditissimis rerum causis speculationes. Atque ut prophetas nostros, & Hebræorum doctores omittam, vigeant olim apud Chaldæos, & Aegyptios mathematici, qui non solum circa Astronomica, & cætera quæ dicuntur mathemata, versabantur, verumetiam somniorum artem publicè profitebantur, atque exercebant. Cuius peritissimos fuisse Iosephum, & Danielem testantur sacrae literæ. Temporibus Hippocratis in

A 4 pret

pretio erant & augures, & contectores, partim qui naturalibus experimentis intenti essent, partim qui diuina prodigia interpretarentur. Somniorum vim Platonici omnes philosophi admirati sunt, de hac multa literis prodiderunt, hanc etiam ad captanda secundum quietem oracula vsurparunt. Antiquissimus ille Hermes Trismegistus somnia non solum obseruauit, sed etiam quo pacto vera immitterentur docuit, artificiales etiam commendauit quasdam imagines, quæ dormientium capitibus suppositæ oracula per somnum redderent. In Christiana philosophia multas nos obseruamus diuinas per quietem inspirationes, multas allegoricarum visionum

num

num interpretationes. Quapropter mirari subit peruersitatem nostrorum hominum, qui ingenua quadam peruicacia omnia demoliri conantur, quæ supra vulgarium ingeniorum captum ab alijs demonstrata sunt. ideoq; nec veterum parcunt prædictionibus, atque libros Sibyllinos suspectos habent, cæteraq; antiquorum mysteria auersantur, & neque ethnicorum, neque Christianorum philosophorum auctoritate franguntur, vt somnia saltem minimè contemnenda esse intelligant. Fortuitum nescio quem euentū, Aristotelico more, assignant aliqui. Sed hi non vidēt pio philosopho indignam esse Aristotelis sententiam. Negat enim diuinitus immitti so-

A 5 omnia

omnia , quòd ea quæ nos diuina esse putamus , non magis doctissimis , sapientissimisque euenire sibi videantur , quàm cuius ex infima , rudiq; plebecula . Huius autoritate factum esse puto , vt multa de secretis naturæ à veteribus illis edita opera , longæua incuria intercepta , perierint , quòd Aristotelicæ doctrinæ plus iusto addicti superioris æui homines , quæ naturales effectus transgredierentur non reciperent : paucissimi verò essent , qui conceptas à Platonicis secretiores , & perennes causas tuerentur . Quorum tamen beneficio haud negligenda quædam veteris , occultæq; philosophiæ commentaria in manus nostras peruenisse cōgratulandum est.

est. Nam reliqua, ut credibile est, propter repugnantes, prævalentesq; alias sectas, ab interitu vindicare non potuerunt. Seruatus, & quasi è manibus hostium ereptus est Artemidori liber de Somnijs. In lucem nostro seculo reuocata sunt permulta Hippocratis, & Galeni opera: inter quæ naturalibus somnijs dicata quædam habentur. Extat Synesij tractatus de hac materia. Extant quædam Iamblichi, & aliorum Platoniorum veluti capita. Verùm ea non integra, sed mutila omnino: in quibus artis seminaria quædam, artem reuera nullam agnoscere queas. Posteriores quamplurimi, & hi quidem in omni rerum inquisitione negligentissimi, ab
opin

opinionem vulgi ignauiae suae rationem petentes, somnia, nihil aliud quam vana rerum quae interdum geruntur, simulacra esse dixerunt. Quidam superiore quadam intelligentia moniti, nocturnos animi conceptus partim naturalibus, partim diuinis causis acceptos retulerunt. Verum cum ea quae ipsis aut conueniens similitudo, aut rerum euentus dictasset, commentari coepissent: factum est, ut ex fallaci experientia, dubijsque coniecturis, artem quandam ridiculam conflarent. Qualem apocryphus Daniel, & quidam Salomon, & autor interpretationis somniorum secundum Persas, Indos, & Aegyptios confecisse leguntur. A quibus cum nos illudi cognosceremus,
nec


nec possibile esset ex Artemido-
ro , Synesio , & Academicis ar-
tem consequi, Hippocrates ve-
rò, & Galenus naturalia tantùm
persecuti fuissent: cœpimus olim
tentare an quid inuenire posse-
mus , quod artem perficeret: an
in aliorum scriptis superstitioni-
sum aliquid , confusum uē repe-
rire , quod perpurgandum esset:
an certa methodo rem tradere,
qua persuaderemus ignauissimis
istis hominibus hãc philosophiæ
partem non minus esse certam,
quàm ea sit medicinæ portio,
quæ à grecis *σημειωτική* uoca-
tur. cui & tota subiacere uide-
tur, quemadmodum Hippocra-
tis, & Galeni libri de hac mate-
ria, testantur. Id hoc libello an
effecerimus , tuum erit iudicare.
certè


certè minimè puto artem ante me præstitisse quenquam. Audiisti verò tu aliquando ex me, & familiaribus meis, qua ætate, nimirum vix pubertatis annos egressus, quo tempore de editione nihil vnquam cogitaueram. Nunc verò postquam libellus Horatianum illum nouenarium adimpleuit, tibiq; superioribus annis arrisit, æquum esse putavi eum ad te mittere: ea lege tamen, vt semel adhuc totum diligenter perlustres, & si editione dignum videris, sub tuo nomine in publicum ire patiaris: fin minus, cum priuatis tuis Musis, tanquam amici munus, colludere permittas. Desyderabis hic, scio, dictionis ornatum, & elegantiam. cuius cum illa ætate
satis

fatis essem studiosus, tamen rei ipsius magnitudine, & perplexitate distractus, coactus fui partim inueniendæ, partim disponendæ confusæ materiæ, magis quàm splendori orationis inservire. Nec à philosophica consuetudine hoc abhorret, simplici quadam, & minimè fucata narratione rei veritatem exprimere. Quanquàm & nos dedimus operam, vt si non eleganter, latinè tamen, quantum materia postulabat, loqueremur. Quod superest, si quid in legendo occurrerit, quod iuueniles illos annos redoleat, id æqui & boni consule. Neque enim maturæ ætatis partum edimus: immaturum verò indignè pateremur domi contabescere, quem alijs eiusdem argumen

gumentum collatum maturitatem
quandam præ se ferre nemo ne-
gabit. Tu quid iure faciendum
sit videto, interim dum ego Cri-
ses partim ad Pythagoricam
doctrinam, partim ad
astra reuoco.

Vale.




A V G E R I I
F E R R E R I I T O -
L O S A T I S M E D I C I
L I B E R D E
S O M N I I S .



VI post veteres phi-
 losophos diligen-
 tes rerum inquisi-
 tores, de Somnijs
 acutè aliquid tra-
 didisse se arbitrati sunt, tria so-
 mniorum fecerunt genera: vnum
 vanum, alterum naturale, ter-
 tium vaticum. Vana ea appel-
 lantes, quæ quis interdiu pertra-
 ctasset, per familiares uel sermo-
 nes conseruisset, aut cogitando
 vigilans admisisset, per quietem

B recol

recolligere: Item chimæras, centauros, scyllas, aliaq; id genus, quæ in natura nunquam extiterunt, intueri. Naturalia, quæ corporis nostri habitudinem, constitutionemq; sequerentur. Vaticina, quæ è diuinitate quadam profecta, futurum aliquid portenderent, aut præteriti vel præsentis nos commonefacerent, quod ad mores, eruditionem, fortunasue nostras, aut Reipub. statum pertinere videretur. Vaticinibus illi & naturalibus præfagiendi vim quandam attribuabant: quæ verò vana appellabant, nihil omnino significare crediderunt. in quo parùm rectè sentire mihi videntur, cum & ipsa suas habeant significaciones, quæadmodum docuit Hippocra

*Vana
existima-
ta somnia
naturalia
sunt.*

pocrates. Nam quòd similia his
quæ pridie quis viderit, cogita-
rit, vel pertractarit somniet, sa-
nitatem ostēdere tradidit: quòd
animus diurnis cogitationibus
& negotijs insistens, nec pleni-
tudine, inanitione'ue, nec vlla
alia re extrinsecus adueniente
superetur: monstra etiam dif-
formia, similiaq; imminentis
morbi fidem facere. Vt idica
verò credidisse aliqua Hippo-
cratem, vel ex initio libri sui de
insomnijs manifestū euadit: vbi
de ijs aliquos peculiarem quan-
dam artem tenere refert, eaq; fe-
rè nunquam errare. Naturalia ve-
rò maximè ipse persecutus est,
quæ sanitatē, quæ ægritudinem,
quæ deniq; corporis nostri cōsti-
tutionē indicare habeant: vbi va-

na alijs credita sub naturalibus
comprehendere maximè visus
est. Quanquàm eorum probatiffi-
simi quiq; autores, & fide dignif-
simi mentionem sæpe fecerunt,
Nam, vt interim geminas illas
somnia portas omittã, cæte-
raq; poëtarum ludicra, apud Pli-
nium legitur à vino & cibis pro-
xima, atque in redormitione,
vana esse visa propè conuenire.
Et Plato in politia, huncq; secu-
tus Cicero, vana quædam admi-
fisse videntur: non tamen alia de
causa, quàm quòd ob molestan-
tem crapulam non facilè sit ea
intelligere. quod & ex Socratis
dissertatione apertè demonstra-
runt, dicentis, animam pastu &
potu obstupefactam exultare, &
immoderatè iactari, itaq; per-
turb

turbata, ac confusa cernere: quo sermone in huiusmodi insonnijs diuinitatē nullam agnoscentes, naturalem tamen eorum significationem nō sustulerunt, cum cibo & potu censuerūt aggrauari naturā. Multa quidem esse fatemur, quæ nudo eo quo *Somnia figurata.* per quietem visa sunt modo accepta, nihil ferè in se veri continent. vt cū quis speculum intueri se somniat, & ferrum tractare, quæ non adsint, & opera vigilantis exercere, cū dormiat: quæ si idcirco vana fecerimus, quid vetabit quin & eo quidem pacto naturalia, & quæ vaticina vocantur, ferè omnia vana appellare liceat? & Pharaonis aspernari somnium, quòd neque super fluuiū stetit, neq; septem

B 3 boues

boues, aut spicæ adfuissent, quas videret? Neque ergo quod figura aliqua obumbratum est, statim vanum, falsum'ue censerit debet, quando & oracula sic sæpenumero reddita testantur Esræ, Danielis, Isaiæ, aliorumq; prophetarum, ethnicorū etiam autorum libri. Verūm inquiramus paulò diligentius quæ sunt illa, quæ vana meritò nuncupari debent. Nam de diurnis actionibus, & figuratis somnijs iam dictum est. Fit sæpe ex diuersitate eorum quæ pertractātur, & sensibus obijciuntur, variarumq; affectionum corporis mixtione, vt vanum, & omnis significationis expers videatur insomnium. Vt vidit quis alium quempiam capite truncari, paulò pòst in media

*Somnia
mixta.*

dia spectantium turba videt patrem, apparuit ei in somnijs patrem capite truncari, quod totū à diurnis actionibus depēdebat. Et somniauit aliquis se volare, mox in sterquiliniū cadere: quorum alterum humorū inopiam, alterum excrementorum, quæ in intestinis continentur, abundantiam testabatur. Et alius quispiā spirādi difficultate, & dolore vētris laborans, quòd pastorem interdium vidisset canes abigentē, & mulierculam spicas colligētem, somniauit se mare ventis agitatum per angustum ingredi: vbi canes intueretur qui spicas colligerent: spicæ autem quædam muliebri forma, quædam pastores sibi videbantur. Quod prima fronte quis non iudicaret

vanum? Cum tamen partim ex diurnis visis, partim ex affectionibus corporis constet fuisse conflatum. Atque huiusmodi somniorum significationem ex dictis Hippocratis facile est colligere, dicentis in genere, somnia perturbata, & quæ inter se non conueniunt, corporis indicare perturbationem. quanquam si quis ea particulatim examinet, ac discernere norit, exactiorem eorum per singula membra habiturus sit intelligentiam, ut hîc, mare ventis agitatũ ingredi, dolores ventris significabat: per angustum verò, spirandi difficultatem: reliqua, his quæ interdiu visa fuerant, correspondebant. Videamus verò quid super his philosophi. Animam terreno hoc vinc

vinculo alligatam duplici vita
viuere vniuersa censet Platoni-
corum schola. Vna quæ com-
munis est cum corpore: altera ab
omni corpore separabili. Et, vt
loquitur Proclus, Alcibiades du-
pliciter intelligitur, & ut simpli-
citer anima, & vt anima vtens
corpore. Quando vigilamus, vti-
mur, inquit Iamblichus, pluri-
mum vita quæ cōmunis est cum
corpore: præterquàm si quandò
penitus separamur ab eo, pro-
pterea quòd vel intellectu quid
assequamur, uel puris rationi-
nibus cogitemus. Sed in dor-
miendo penitus solui possumus
velut à vinculis adhibitis ani-
mo, atque uita à generatione se-
parata tunc vti. Quæ vna mihi
videtur somniorum species, cum

B 5 scilic

scilicet anima suapte natura
 omniscia, se à corpore, munda-
 nisq; rebus lumen suum obtene-
 brantibus semouet, & extricat.
 Cum autē ex incorruptibili hac
 vita transit ad alteram, vel ea
 quæ sunt corporis curat, vel quæ
 circa corpus nimirum actiones,
 & præteritas cogitationes, &
 quæcunque sensibus obijciun-
 tur. Quid enim restat aliud,
 quod curare, aut meditari possit?
 Cum igitur necesse sit animam
 quiescente corpore, vel præteri-
 tis cogitationibus, actionibusq;
 insistere: vel vniuersum corpus
 peragrando, constitutionis no-
 stræ formas excipere: vel corpo-
 re solutam quodammodo, di-
 uinæq; suæ puritati restitutam
 apud se contemplari: quid ho-
 rum

*Somnia
 nulla sūt
 uana.*

rum vanum censebimus? Diurnasne actiones, aut constitutionis corporis formas quasdam, & similitudines redditas, quas nobis explicuit Hippocrates, & medici quotidiano usu experiuntur? An ea quæ corpore libera, diuina ipsa, & cœlestis cognitionis particeps viderit? nisi fortasse quædam à malo genio inspirari dixerimus: de quibus postea. Nam quod quidam ostendere conantur, maximum vanitatis esse argumentum, quòd in ijs etiam quæ vera & diuina putamus, non pauca sæpeprehendantur, quæ nihil ad rem faciunt: ea nos nō aliunde ferè procedere arbitramur, quàm è vinculo animæ & corporis. Si enim diuina contempletur anima, nō potest

potest tam ijs inhaerere, quin ob commune vinculum, quæ corporis sunt non pauca inserat. Similiter cum corporis partes perreptat, fit vt diuina ipsa non nihil diuini intermisceat, aut rerum quæ interdum geruntur, quarum & species, vt dictum est, recipere solet. Et si Artemidoro credimus, quemadmodum natura non necessitatis solius gratia omnia facit, sed etiam ornatus: sic anima ipsa multa ornatus gratia serijs admiscet. Instabit vanitatis somniorum assertor, præter hæc esse serpentem illum antiquum, humani generis hostem, seductorem, fraudulentum, qui perpetuò vigilat, vt nos suis laqueis irretitos captiuat. eaq; de causa non solum interd

ter diu, sed & noctu, quiescente *somnia*
 corpore, animæ falsis quibusdā *à cacode*
 imaginibus illudere, & insidiari. *monibus*
 Quæ tamen significatione care- *immissa*
 re mihi non videntur. aut enim *uana non*
 imagines illas è natura nostra *sunt.*
 desumit, aut ab his quæ aliquan-
 do egerimus, vel cogitauerimus.
 Quorum enim naturas ad libi-
 dinem propensas esse cognoscit,
 his eximias puellarum formas,
 saltationes, risus, gestusq; amabi-
 les, muliebriaq; cuncta, & vene-
 rea per noctem obijcit: ijs qui de
 diuitijs cogitant, offert lucrum:
 quibus ludi placent, ludos etiam
 dat in somnijs: diuinatoribus, di-
 uinationum artes: superstitiosis,
 superstitiones: iracundis, pu-
 gnas: fatuis, fatua: timidis, & me-
 lancholicis, monstra horrenda &
 territ

territantia. Quæ quis non videt naturalia esse? Aliquando verò vt synceræ vitæ homines à proposito deterreat, alijs modis solet eos adoriri. Castis venerem, sobrijs luxum, humilibus superbiam quandam si non licitam, saltem tolerandam fraudulenter persuasurus, bona consilia, pios actus, sanctas cogitationes rationibus quibusdam, & exēplis peruersurus, idq; potissimum cum anima hoc vitæ genus apud se meditatur. Solet enim ille accuratè perpendere cui negotio vacare velit anima, atque ex eo cui se applicarit, sua retia, suos dolos præparat & intendit. Adde quòd pro oraculis sæpe dat mendacia, cum animus erectus, & quodammodo corpore liberatus diuinitatis

tatis suæ studio tenetur. Fitq; vt
quod à Deo , vel bonis angelis
nos audire putamus , id à patre
mendacij proficiscatur, qui se in
angelū lucis transformarit. Atq;
hæc sanè vt falsa plerunque con-
cessero , ità vana minimè. Non
enim semper attendo vtrū quod
quis somniauit verum sit, necne:
sed an aliquid notatu dignū per
id significetur. Significantur au-
tē nobis per huiusmodi somnia,
diaboli insidiæ, significatur insi-
diatorem illum, cacodæmonē in
angelum lucis transfiguratū esse,
cui iam resistendum sit , vt nos
in eundem ignem, in eadem tor-
menta , quibus ille torquetur,
præcipites dare velimus. Quæ
si , vt & alia non pauca , probè
semper discernere nequiueri-
mus,

mus, idcirco tamen vanitas hæc inducenda non est: sed culpanda incertitia nostra, vel potius imbecillitas, quæ ad tantæ rei cognitionem peruenire nequeat. Nec nos hoc loco exactè discerni posse omnia asseueramus, vt nec integram omnium explicationem pollicemur: sed & admonemus quæ sint, quorum interpretationem, & ab alijs discrimen non facile sit assignare. Aliorum verò artem quandam perscribimus, iuxta ea quæ monumentis antiquorum continentur, & ratione, experientia que per nos comprobata sunt. Diurnas igitur actiones, ea inquam, quæ per vigiliam audimus, videmus, agimus animo, & exercemus, sub naturalibus somnijs, cum Hippocra

Somniorum diuisio.

pocrate, comprehendentes, Somnia in Naturalia, & Diuina seu Vaticina, & quæ à malis dæmonibus inspirantur, diuidimus. Naturalia vel sunt diurnæ ipsæ *Naturalia.* actiones, vt diximus: vel constitutionis corporis propria quædam indicia, in similitudine quadam eorum quæ vigent in corpore, vt cum cholericus somniat ignes, pituitosus aquas, melancholicus monstra & lemures, vel citra similitudinem, vt cum dormientes nos dormire putamus, iacentes iacere, ægrotantes ægrotare. Huius generis erat & illud P. Cornelij Ruffi, qui consul cum M. Curio fuit. Dormiens enim visum oculorum amisit, cum id sibi accidere *Diuinorum tria genera.* somniaret. Diuina tribus modis fieri

c

fieri

fieri docuit nos Possidonius.
I VNO, quod peruideat animus ipse
per sese, quippe qui deorum co-
gnatione teneatur. scilicet cum
diuinitatis suę studiosus seipsum
erigit, & corpore quodammodo
velut à vinculis adhibitis animo
explicat, vita à generatione sepa-
rata vtens. Vita inquam, à toto
corpore separabili, separataq;,
siue intellectuali, siue diuina.
Atque hic modus, status ani-
mæ in se redeuntis appelletur.
In se inquam, id est, in ratio-
nes feminales, & intellectuales,
penes potentiam suam tum ef-
fectiuam, tum etiam cogniti-
uam. Dependunt autem hæ ra-
tiones à rationibus quæ sunt in
dijs. Altero, quòd plenus aër
fit immortalium animorum, in
quib

quibus tanquam insignitæ notæ
veritatis appareant: quiq; simpa-
thia quadam, & conuenientia,
quam habent alij cum alijs ho-
minibus, multa admonent, do-
cent, consulunt, reuelant. Nunc
voce ipsa, suaq; præsentia: nūc ve-
ras formas ob oculos animæ po-
nentes tantum, nec apparentes.
Quapropter fit sæpe vt hæc ab
anima in se redeunte proficisci
arbitremur. Sed hoc artem non
confundit. Eadem enim interpre-
tandi methodus. Tertio, cū ipsi 3
dij, supercœlestesq; angeli cum
dormiētibus collocantur, & ora-
cula inspirant: aliquando loquen-
tes nobis, vt cum angelus Domi-
ni Ioseph de retinenda sponsa
admonet: aliquando veras for-
mas tantum animo obijciētes, la-

c 2 tent

tentes ipsi, nec se demonstrantes.

Quale legitur Esræ somnium ab angelo Domini figuratum lib. IIII. cap. XI. de Aquila cui inerant duodecim alæ pennarū, & capita tria, aliāq; multa: & cap. XIII. de vento è mari exurgente, conturbante fluctus, &

*Diuinorū
subdini-
sio.*

cætera infinita. Diuina autem hæc omnia vel sunt per similitudines quasdam, & ænigmata, vnde & allegorica appellata sunt: aut citra vllam similitudinem, quæ speculatiua vocant. Ex
 1 allegoricis sunt, quæ in statu animæ in se redeuntis somniauit Hecuba, facem se parere, quæ Troiam combureret, enixa paulò post Paridem Troiæ exitium,
 2 & quæ ab immortalis quodam animo aëreo, genio ūe sub perso-
 na

na foeminæ audiuit Socrates,
Tertia te Phthia tēpeſtas lata locabit,
quod quietem per proximam
mortem illi ſignificabat. Et
quæ oraculo accepit Nabucho- 3
donosor, ex ſancti cuiuſdam è
cœlo deſcendentis ore, procla-
mantis, ſuccidendam arborem,
& præſcindendos ramos eius,
excutiendaq; folia, & diſpergen-
dos fruſtus, donec ſeptem tem-
pora mutantur, germine tamen
radicum præſeruato: quod futu-
rum de ſe Dei iudicium ſignifi-
cabat, vt ſuæ conditionis imme-
mor, regno, hominumq; ſocie-
tate careret, ac tanquam beſtia
cum brutis & feris animantibus
habitaret, & foenum vt bos co-
mederet, reſeruato tamen regno
poſt ſeptem annos, cum culpæ

c 3 ſuæ

*Specula-
tina.*

- 1 suæ memor diuinæ maiestatis
 potentiam agnouisset. Ex specu-
 latiuus sunt quæ sequuntur. In sta-
 tu animæ in se redeuntis, nauigans
 quispiam naufragium sibi
 facere visus est, & dum sic affe-
 ctus esset, ita contigit. Postquam
 enim somnus ipsum reliquit, na-
 uis penitus peribat: ipse verò
 2 cum paucis vix seruatus est. Et à
 genio admonitus est Decius, bel-
 lo Latino eos victores futuros,
 quorum dux in prælio caderet.
 3 Et oraculo accepto in somnijs,
 Ioseph accepit puerum, & ma-
 trem eius, & aufugit in Aegy-
 ptum. Atq; hæc est naturalium,
 & diuinorum æqua partitio, nisi
 adhuc facilioris doctrinæ gra-
 tia, admonendum videatur, ad
 naturalia referēda esse, quæcūq;
 à med

à medicamentis, corpus, virtu-
 temq; imaginatiuam alteranti-
 bus causantur. Cuiusmodi sunt
 quæ ab esu fabarum, lentium,
 porrorum, & potu vini noui, fe-
 minis pycnocomi, smilacis leuis,
 dorycnii, grauia, & tumultuosa
 efficiuntur. Et quæ per appensa
 quædã, vel supposita, ceu incan-
 tamenta, somniare cogimur, vt
 de corde simiæ creditur, quod
 suppositum capiti dormientis, vi-
 dere faciat res syluestres metum
 inferentes. Prudens omitto quæ
 de chameleonte, & aliis monstris
 celebrauit Democritus, ostentãt
 adhuc magi: ne si plura comme-
 morem, superstitiones huic meo
 opusculo inferere videar. Super-
 est tertium genus à malo genio
 dependens, quod totum ex alio-

Somnia

*que à ma-
lis spiri-
tus inut-
untur.*

C 4 rum

rum imitatione cōstat. Aut enim formas suas ex diurnis actionibus, corporis'ue statu desumit: aut animæ in se redeunti falsis quibusdam imaginibus illudit, & insidiatur: imaginibus inquam desumptis vel à natura actionibusq; somniantis, vel ab alijs quibusdam extrinsecis, & ignotis, qualia multa huiusmodi præstigia, & simulacra egregiè fabricare nouit, & opponere animo veritatis, & diuinitatis studioso. Aliquando artificiosis fraudulentisq; susurris animam à bene viuendo reuocare contendit: quod genus sub alijs comprehendi poterat, verùm vt facilius artem traderemus, se iunximus. Simulat etiam immortales illos aëreos animos genios

nios'ue: & in angelum lucis trāf-
figuratus diuina mentitur ora-
cula. plerunque etiam vera quæ-
dam insinuat. quæ quia vera, ad
diuinorum somniorum formam
quandam referri debere censeo:
quando & bonitatem quandam
tunc præ se ferre videntur. So-
mniorum nullum superesse ge-
nus arbitror, quod sub his tri-
bus modis comprehendi nõ pos-
sit. Subdiuisiones alias assignare
superuacaneum mihi visum est,
quòd artem non tam iuuare,
quàm confundere videantur: ut
cum vaticina quædam priuata
faciunt, quædam publica, quæ-
dam propria, quædam aliena,
quædam generalia, quædã mul-
ta per pauca, pauca per multa si-
gnificantia, & cætera, quæ cu-

C 5 riosè

riosè nimis persecutus est Artemidorus. Hoc super iis adnotasse sufficiet, somnia quædam soli somnianti competere, quædam alteri cuiquam soli, quædam somnianti & alteri simul, quædam aliis quibusdam pluribus & non somnianti, quædam illis & somnianti, quædam vniuersæ Reipub. quædam & somnianti & Reip. simul. Sed hæc tam minutula persequi tantum abest vt suadeam, vt extremæ dementiæ esse putem in his diutius immorari. De mixtis & compositis nõ est quòd sermonem vltra producamus, cum sub simplicibus comprehendi soleant: & à potiore natura denominationem accipiant. Composita autē hîc voco, naturalia multa inter se complicata

*Somnia
mixta et
cõposita.*

plicata: Naturalia diuinis intermixta: Diuina inter se multa: & naturalibus, & diuinis insertos cacodæmonum dolos. Quod sequitur expediamus, quo scilicet discrimine notentur diuina à naturalibus, hæcquæ ab his quæ à falsis spiritibus immittuntur. In quo plurimum laborasse constat antiquos, recentioresquæ philosophos. Nec dum tamen quod conati sunt præstiterunt, tam difficile est ire in penetralia naturæ. Nec verò idcirco maiorem rerum intelligentiam mihi vendico, qui super tãtos viros quippiam maius aggredi videor: sed quæ illi aut ob varias in aliis disciplinis occupationes, aut propheticæ scripturæ inscitiam absoluere non potuerunt, tanquam

quam pueri in collo gigantis,
indicare conabimur. Certissima

*Discernē
dorum so
minorum
ratio.*

igitur discernendorum somnio-
rum via à partium remotione
aggredienda est: ut si quis so-
mnum viderit, nec illud naturæ
suæ, aliis aduersantibus indicijs,
accommodare queat, nec simile
quippiam audierit, viderit, agi-
tarit animo, vel pertractarit, cer-
tum erit naturale minimè illud
esse, sed diuinum, aut de genere
eorum quæ à malo genio pro-
ficiscuntur. Hæc verò discerne-
mus, ad ea quæ supradicta sunt
attendentes. Cum enim fiant vel

*Somnia à
malo ge-
nio.*

à formis, à somniantis actioni-
bus, naturæ ue tractis: vel quòd
dæmon ille insidiator fraudu-
lenti susurris mutare sanctum
vitæ genus, bonas cogitationes

cor

corrumpere nititur: animæq; in se redeunti falsis quibusdam simulacris insidiatur: aut quòd immortales aëreos illos animos simulat:& in angelum lucis transfiguratus diuina mentitur oracula: Primum genus ad naturalia somnia referri constat. Alterum diuinum non esse vel ex hoc agnoscimus, quòd æquum ac bonum euertere conatur.

Naturalis forma.

Fraudulenti surri.

Quod neque dii facerent, neque per immortales illos genios tale quid meditaremur, neq; anima ipsa sibi id persuadere tentaret, vt pote in diuinis somniis corpore explicata, & diuinitati copulata, quapropter nequitiaè minimè consentiens. Tertium, quo animam in se redeuntem præstigijs quibusdam formis illudit,

Præstigijs formis.

& à

& à veri contemplatione auocat,
ex hoc dignoscimus, quòd for-
mæ illæ si ex somniantis tempe-
ratura & actionibus dependeant,
ad naturalia somnia iam relatæ
sint. Sin ex extrinsecis quibus-
dam & ignotis, vnde anima ta-
lia monstra sibi confingeret, quæ
ex se nihil præter diuinitatem,
& ea quæ in corpore, vel quæ
circa corpus, nimirum actiones,
& cogitationes complecti po-
test? An verò hæc est bonorum
natura dæmonū fallacibus ima-
ginibus fallere animam, qui bo-
ni, puri, & veri, nihil præter
bonum, purum, & verum inspi-
rare queant? At cur eas mitte-
rent? Non vt demonstrarent essen-
tiam suam, atq; potentiam; Nam
illæ ab hac ex tota natura defi-
ciunt.

ciunt. Non etiam ad intuentium utilitatem: Quæ enim utilitas est ex mendacio simul atq; deceptione? Quartum genus, *Nota bonorum et malorum demonũ.* quo bonos illos aereos dæmones simulat, ex apparendi consuetudine colligitur. Boni enim dæmones cum diis & angelis hoc commune habent, quod non apparēt phantastico modo, sed proprio prorsus, & vero: spiritus vero mali phantastico, fallaciq; Deus, angelus, demon bonus, docent hominem, cum apparent, quæ, qualis ve re vera sit eorum essentia. hoc est, primò de seipsis vera prædicant, suamq; essentiam præcipuè contemplantibus patefaciunt, nihil ultra vel citra veritatem loquentes, demonstrantes'ue. Mali spiritus in similitud

litudinem bonorum se transformantes, essentiam suam celant, sed iactabundi veniunt, & supra quàm sunt sibi arrogant. Iactabunda autem hæc arrogantia nullo modo propria est veris spiritibus, atq; bonis. Boni spiritus cum apparent, animi corporisq; affectus expellere nituntur: mali nec id curant, aut si conentur, præstare nullo modo queunt. Boni spiritus initio terrentes, securitatem mox præstant, abeuntesq; satisfaciunt animo. Mali anxios & in visione nos tenent, & abeuntes magis dubios relinquunt. Est insuper malorum natura dæmonum sibimet inconstans, instabilis, secumq; dissidens, aliàs alia suadens. Superiorum verò natura sibi constat assidue,

fidue, eundemq; seruat semper
in actione tenorem. vbi verò bo-
ni isti genij non apparent, sed vi-
sionem tantum inculcant, eo-
dem modo ferè se habēt somnia,
ac in statu animæ in se redeuntis,
de quo iam diximus. Quod ad
quintum genus attinet, an ora- *Oracula.*
cula ipsa à Deo, aut à patre men-
dacij diabolo proficiscantur, im-
possibile est omnino absque dei
ope intelligere. Quæ enim à Deo
transmittuntur in somnis, omni-
no prophetiæ sunt. prophetiam
autem non arte aliqua, non in-
dustria, non labore, sed dei tan-
tum beneficio cōsequimur. Ceu
Petrus Apostolus epistola secun-
da admonet, dicēs, prophetiam
scripturam non esse priuatæ in-
terpretationis, & voluntate ho-
minis

minis nō esse allatam olim prophetiam, sed à Spiritus sancto inspiratos locutos sanctos Dei homines. vnde non parua mihi videtur esse gratia intelligere Dei vocem, & diaboli susurrum. Nō est sine spiritus sancti gratia huiusmodi vocem & susurrum discernere. Quanquam secretiores philosophi multa huiusce rei signa tradere conati sunt. qualia Iamblichus libro suo de mysteriis Chaldeorum, Aegyptiorū, & Assyriorum, plurima protulit, in hunc modū: Somnia, inquit, diuinitus missa, veniunt vel inter somnū atq; vigiliam, vel in ipsa vigilia. Tunc breues audiuntur voces, quid agendum sit admonentes, & aliquādo spiritus quidam non corpulentus, non tratabi

stabilis se tacentibus circumfundit, qui tamen non perspicitur, sed alio quodam sensu, & animadversione, quæ in consensu percipitur, impetu quodam ingrediens, & se vndiq; circumfundens absq; contactu, atq; mirifice passionem animi corporisq; expellit. Aliquando verò lumen syncerū quietumq; fulget (sub quo visus clauditur) animæ patens: sed alij sensus interim peruiigiles sunt, persentiuntq; quomodo dii in lumine se ostendunt: & quæ illi loquuntur, aguntq;, cōtinuata animadversione percipiunt. Perfectius verò id totum discernitur, quando visus quoque perspicit, atque intellectus corroboratus quæ fiunt, assequitur, & qui spectant similiter commouentur.

D 2 Con

Contingunt verò quando somnus noster est grauedo quædam capitis, vel inclinatio, & occupatio visus, vel medium quiddam inter vigiliam atque somnum, vel excitatio subita, vel ipsa vigilia. & alibi sparsim. Quando, inquit, diuinitus mittuntur somnia, neque reuera dormimus, & assequimur animaduertimusq; clarius, quàm consueuerimus vigilantes: quod efficere in manu malorum dæmonum non est. In oraculis cum dii apparent, salutaris quædam diuinitas, eademq; immutabilis magnitudine, forma, figura, actione, cum quiete & ordine, aut moderato, ordinatoq; motu se iacentibus circumfundit inæstimabilis, incomparabilis, admiran

miranda , supra modum delectans. Deorum actiones , effectusq; velociores sunt , quàm intelligentia deprehendere possit. Deorū imagines plurimo splendore coruscant. Deorum ignis omnino aut stabilis est aspectu: aut stabiliter mouetur. Sed hæc inæqualiter , pro deorum differentia. Siquidem sub ipsis & archangelos , & angelos, & eos qui ex hac mortali vita bene mendo , magno Dei beneficio, æternam beatitudinem consecuti sunt, comprehendimus. Inter hæc verò , & ea quæ à bonis genijs dependent , hanc obseruamus differentiam: quòd in his, sicuti in oraculis, sensus ita peruiigiles non sint , licet non tam sopiti vt in aliis somniis. neque

passiones corporis & animi tam manifestè abiguntur, quanquam & in eis vix sentiuntur. Prætereà aërei immortales illi genij non tam admirandi apparent, quàm metuendi: eorumq; imagines mutabiles sunt magnitudine atq; forma, actionesq; celeriores apparent, quàm sint effectu, atq; veritate. Turbidiorq; est eorum ignis, & instabilior aspectu. Sed hoc commune est vtrisque: Dijs inquam, & bonis istis dæmonibus, nolle fallere, & securitatem præstare animo. Verùm vbi dii non apparent, sed visionem tantum inculcant, sentit manifeste animus circa se vigentem supremam illam diuinitatem, ac tanquàm præsentem admiratur, stupet, veneratur,

ratur, & adorat. Hæc sunt quæ philosophi potissima dignoscendæ diuinitatis argumenta proferunt. Quibus haud neglectis, certissimum tandem hoc habeto iudiciũ somnii diuinitus à Deo inspirati, cum anima cognitum habet se diuino afflatam esse lumine. Quando idipsum diuinis oraculis semper adest, declarans quale sit Dei mandatum. Cum enim dubij nimis versamur in his visionibus, nec planè per somnũ cuiusmodi sint intellexerimus, eas à patre mendacii verius proficisci suspicabimur, quòd desit diuinum illud lumen mentem viuificans, & ad rectum veritatis iter dirigēs. atq; has ab illis expectare solemus, qui multa vitę ignauia, itē ficta bonitate ar-

D 4 mati,

mati, de rebus humanis deum
 futiliter, stolidè, leuiter consu-
 lunt. quibus, quia ita merentur,
 mali dæmones responsa dant.
 Hoc habito indicio nō est quòd
 aliud requiras. Hoc vno ad di-
 uini somnij cognitionem & in-
 telligētiam facilè peruenies. Ve-
 rùm cum variæ sint diuinorum
 formæ, nec omnes intellectu pol-
 leant, quo huiusmodi signa diju-
 dicare possint, nec diuinæ huius
 gratiæ simus omnes participes:
 alia quædam, tanquam locos
 communes, persequemur, qui-
 bus mediocri præditi ingenio
 vtantur, ac longa aliorum obser-
 uatione freti, facilius ad diuini-
 tatis notitiam perueniant. Ma-
 ximè igitur diuina credēda sunt,
 quæ semel iterum'ue neglecta
 sæpius

*Loci cō-
 munes.*

*Reiterā-
 tio somnij.*

sæpius se offerunt, vt Sophocles cum ex æde Herculis patera aurea grauis surrepta esset, in somnis vidit ipsum Deū dicentem quis fecisset, quod semel ille iterumq; neglexit: vbi idem sæpius ascendit, in Ariopagum detulit rem. Ariopagitæ comprehendi iubent eum qui à Sophocle erat nominatus, is quæstione adhibita confessus est, pateramq; retulit. Similiter iudicandum de ijs quæ licet diuersa appareant, eundem tamen sensum repræsentât: vnde Ioseph ad Pharaonem inquit, Quod autem vidisti secundo ad eandem rem pertinens somnium, firmitatis indicium est. Somniauerat siquidẽ primò boves pingues, & confectas macie. Secundo vberes & steriles spicas.

D S Vtr

*Idē duobus appa-
rens.* Vtrunque fertilitatis, & futuræ
 sterilitatis argumētum. Nec mi-
 nus vaticina putanda sunt, quæ
 duobus circa idem negotium oc-
 cupatis, eodem tempore, simili
 modo prorsus eueniunt. alter
 enim diuinæ alterius visionis
 plenissimam fidem facit. Quale
 P. Decii & Mālii Torquati col-
 legæ somniū extitit. Vtriq; enim
 visum est, bello Latino eos vi-
 ctōres futuros, quorum dux in
 prælio cecidisset. quod & conse-
 cutum est, Decio consule morte
 sua Romanis victoriam relin-
 quente. Firmum etiam diuini-
 tatis argumentū præbet animus,
*Opinio
de uisio-
ne.* cum expergefactis nobis, diui-
 num quiddam sapere quod per
 somnum visum est, persuadere
 conatur, repugnantesq; nos ad
 inter

interpretationem cogere. quod melancholicis magis accidere solet visa non solum nocturna, sed et diurnas ipsas cogitationes pertinaciter secum agitantibus, totiensq; mente volutantibus, donec inexpectatum quendam, nec aspernandum sensum inde collegerint. Vnde & hos diuinationibus maximè commodos putauit Aristoteles. Nec prætereunda sunt quæ quis viderit de altero cognatione quadam, aut amicitia sibi deuincto, vbi præsertim nihil tale de eo interdum cogitatum est, aut visum. vt quæ Calphurnia somniauit miserandam mariti cædem prædicentia, exta Cæsari sine corde inuenta. Multo minus quæ per quietẽ persona aliqua grauis faciẽda, aut vitãda

*Somniũ
de altero.*

*Somniũ
à persona
grauis.*

denunt

denuntiat, futura' ve significat. vt
quæ Scipioni Aemyliano Afri-
canus alter Scipio & Paulus pa-
ter apud Ciceronem referunt.

*Ab igno-
to.*

Huc spectant & quæ per igno-
tam aliquam personam admo-
nemur, vt Eudemus Cyprius
ægotans vidit quendam egre-
gia facie iuuenem conualescen-
tiam promittentem, & Tyranni
interitum, suumq; ad suos, id est
superos reditum prædicentem.

*Ab au-
soritac.*

Et quæ prolata ex poëtis, philo-
sophis, historicis, aliisq; bonis au-
toribus sententia nobis signifi-
cantur. vt Socrates quum esset
in custodia publica, dicens Cri-
toni suo familiari, sibi post ter-
tium diem esse moriendum, vi-
dit in somnis pulchritudine exi-
mia foeminam, quæ se nomine
appell

appellans, diceret Homericum
quendam eiusmodi versum,
Tertia te Phthiæ tēpestas læta locabit,
quod ut est dictum, sic scribitur
contigisse. Huius generis sunt
denique quæcunque à fratribus,
parcētibus, amicis, mortuis, à bru-
tis ipsis animantibus in somnis
audimus, quorum omnium ex-
empla afferrem, ut Cicero multa
in libros suos de Diuinatione cō-
gessisset, & infinita apud Histo-
ricos prostant. In omnibus ta- *Ordo.*
men diligenter animaduerten-
dum hoc est, an ordinem seruēt.
vnde Hippocrates cum in re
Democriti sollicitus somniasset
Aesculapiū cum comitibus pi-
xides medicamentarias gestan-
tibus manum sibi porrigentem,
mox abeuntem, veritatē & opi-
nionem

nionem relinquere: interpreta-
 tus Democritum non egere me-
 dico, & veritatem habere De-
 mocritum esse sanum, qui Ab-
 deritarum opinione insanus cre-
 deretur, ad Philopœmenem in-
 quit, Quæ vera quidem esse cre-
 do Philopœmen, & sunt. Non
 enim contēno somnia, quæ præ-
 fertim ordinem seruant: prius
 verò sibi persuaserat certum id
 ac verum fore, quòd confestim
 mirandum in modum experge-
 factus fuisset. Plurimum autem
 ad diuinitatem accedunt, quo-
 rum interpretatio visione no-
 cturna somniantibus ipsis osten-
 ditur. Quæque per somnum ad-
 moneri à quodam videmur ex-
 pendenda, ac notanda quia mi-
 nimè vana. Et quæ de his adun-
 tur

*Excita-
tio.*

*Interpre-
tio somnia-
ta.*

*Commē-
datio.*

tur quæ secum quisq; reuoluit, & mente agitatur discedendo cubitum, verum inde responsum constanter sperans. Sicut scribitur dictum Nabuchodonosor à Daniele, Tu Rex cogitare coepisti in stratu tuo quod esset futurum post hæc. Ad idem spectant indicationes sumptæ à loco & tēpore. Luna enim signum illud percurrente quod fuit in nona radicis natiuitatis, vel reuolutionis illius anni, vel in nono signo à signo profectiois, efficaciora reddi creduntur somnia. Mercurio etiam in dictis locis in Aquario existente, aut Sole in Libra, Ioue etiam, vel Saturno vel Venere nonam domum perlustrante, maximè si hanc & Iouem Saturnus beneuolo
 aliq

*Somniū
 super ne-
 gotio pro
 posito.*

Tempus.

aliquo radio contueatur, diuinitatis haud expertia fieri arbitrati sunt Astrologi. Familiarissimam verò somniis constat esse noctem, quòd eo tempore pacatissima mens, diurnisq; negotijs libera, nec rerum quæ vigilantibus obuersari solent, varietate disturbata, diuinitati perseueranter inhærere possit. Fieri autem vera magis putant tempore matutino, quod inter somnum & vigiliam sit, quod & voluit Iamblichus & refert Hippocrates, se suum de Democrito vidisse somnium, aurora iam incipiente, cum vix dormitaret. Quod ad locum attinet, qui Lacedæmoniis præerant in Pasiphææ phano somniandi causa recubare solebant. Idem fiebat in templo Aesculap

culapii, à quo vera existimabant immitti somnia. Et Calabri Podalyrium Aesculapii filium consulturi, iuxta illius sepulcrum in agninis pellibus obdormiscebant. Sic nanque quæ in somnis quisque vidisset, tanquam vera, & certa diuinitate prædita mirabatur, ac notabat. Nostri temporibus verò licet huiusmodi ritus non amplius admittantur, non desunt tamen superstitiosi quidam homines, qui certum locum sibi deligunt, in quo post multas ac varias expiationes, post religiosas quasdam obsecrationes, de quibus negotiis scire cupiunt, dormientes, admoneantur. verùm hæc magis ad captanda ex somniis oracula pertinet. Obseruata itaq; prædictorum si-

E gno

gnorum multitudo diuinitatis
argumentum exhibet: vt in Hip-
pocratis somnio, ordo, persona
grauis, somnium super his quæ
prius mente agitauerat: & in eo
Sophoclis, persona grauis, Deus
ipse, & reiteratio somnii: & in eo
Decii, collegæ idem somnium,
persona haud leuis, genius videli-
cet, somnium super negotio pro-
posito, & à quiete animus somnii
diuinitatē persentiens, haud cō-
temnendarum visionum fidem
fecerunt. quibus si & locus ido-
neus, & opportunum tempus ac-
cesserint, tunc certissimè de so-
mnii veritate iudicare poterim-
us. Atque hæc potissima visa
sunt, per quæ ad diuinorum so-
mniorum cognitionē facilè per-
ueniremus. Reliquū est methodū
aperi

aperire, qua horum sensum asse-
 quamur. quod vt fiat singula
 membra separatim considerāda
 nobis sunt. Naturalia igitur so-
 mnia quæ allegoria, aut similitu-
 dine carent, nihil negotii præbēt
 vt intelligantur, vt si quis febricitans
 febricitare se putet, & dormiens
 dormire. Quæ verò allegoriam
 quandam includunt, in rerum
 naturalium causis exercitatum
 hominem desiderant præcipuè,
 quod voluit Aristoteles, similitudinum
 diligentē exploratorem, quales
 Hippocrates & Galenus extiterūt.
 vterq; enim propriis libellis
 naturalia somnia diuino quodā
 ingenio interpretatus est. Hos
 itaq; autores proposito huiusmodi
 somnio consulere licebit. Diuina
 quoq; speculatiua

*Interpretatio
 somniorū.*

tiua quædam vocantur, quæ id-
ipsum omnino quod visum est,
significant: quædam allegorica,
quæ ea quæ significantur, per
ænigmata, similitudines ve osten-
dunt: quorum discrimen ex hoc
haberi potest, quòd speculatiua
ferè intra viginti quatuor ho-
rarum spatium in actum pro-
deant: allegorica diem vnum
semper excedat. Præterea scilicet
diuinitatem cõcipiens, in eaq; se
oblectans anima, sine intermis-
sione ratiocinatur, & apud se co-
gitat donec intelligat quò tendit
somnia ipsum, statimq; ad ex-
positionem se componit. Specu-
latiua quidem nullo negotio ex-
plicantur, vt quæ nihil aliud
ostendant, quàm quod secũdum
quietem visum est. Verum alle-
gorica

gorica plus difficultatis adferunt, quòd longe aliud, quàm quod somnium est, indicare habeant. In his quoq; dissoluendis omnes ferè iuxta Aristotelis sententiam similitudinum & dissimilitudinum vim attenderunt. Sed quia contingit non rarò somnia in multas, easq; diuersas contrariorumq; euentuum significatrices similitudines incidere, in his totam artem minimè constituendã arbitror. Sed iuxta Synesium, maximè notandum censeo, quæ visa in quales euentus inciderint. Iubet enim vnumquemque somnia sua, & suos inde obseruare euentus, ac huiusmodi regulas, scilicet visa, & accidẽtia, cum somnii, tum vigiliæ, memoriæ commendare. atque sedulã hac

E 3 qua

quadam obseruatione, plurimas
regulas penes seipsum accumu-
lare. Ex qua quidem accumula-
tione ars quædam diuinatoria &
suorum cuiq; somniorum inter-
pretandorum paulatim confur-
git, dum nihil dilabitur à memo-
ria. Non est igitur existimādum
aliorum somnia nostris similia
idem omnino portendere, quod
in nostris experti fuerimus. Sua
enim cuiq; est mens, sua natura,
sua lex, consuetudo, studium,
conuersatio, suus cuiq; somnian-
di modus, suum cuique tempus,
suis locus, & cætera, iuxta quo-
rum vim somnia reddi & im-
mutari solent. Illos igitur obser-
uata sua somnia, eorumq; euen-
tus fateri cogito. Quæ si non ob-
seruarint, recta similitudinum,
&

& dissimilitudinum habita ratione, pro lege, consuetudine, natura, moribus, loco, tempore, nominibus, similibusq; prudenter iudicato. Non solum enim utile, sed & necessarium dicebat Artemidorus, cū ei qui vidit somniū, tum interpreti, vt sciat ipse somnii interpretes, quis sit qui somnium vidit, & quid rerū agat, & quomodo natus sit, & quam habeat possessionem, & quomodo circa corpus habeat, & qua ætate sit, præcipuè verò somniū ipsum exactè expendendum esse, velut est. Nam parua additione, aut ablatione euentus alteratur. Quo fit etiam vt ea nō facile sit iudicare, quorū memoria ex integro non restat, siue initii, siue medii, siue finis obliti fuerimus,

E 4 sed

sed ea tantum quorum exactam
comprehensionē somniator ipse
habuerit, quorumq̄, exactè me-
minerit. Non pauca tamen ali-
qua ex parte imperfecta, inter-
pretari volentes, pro iudicio ali-
quid addimus, aut demimus, ex
quo diuinandi ansam capere
queamus. Contrà si quid redun-
dare videatur, idcirco somnium
ipsum non respuimus. Nullum
enim frumenti granum absque
paleis, & quemadmodum natu-
ra non necessitatis solius gratia
omnia facit, sed etiam ornatus,
vt pampinos in vitibus: sic etiam
ipsa anima multa ornatus gratia
contemplatur, & sæpe à parte
totum demonstrat. Quapropter
ab eo quod præcipuum videbi-
tur, reiectis quæ minus ad rē fa-
ciunt,

ciunt, interpretatio aggredienda est. Quemadmodum si quis domum ingreditur, omnino & porticum, & postim, & superiorem ianuae partem videt, sed non propter hæc ingreditur: idcirco non ex his iudicationem facere oportet, sed ab ipsa domo. Redundare quoque non pauca sæpe, in initio diximus, ob vinculum quo corpori alligata est anima, atque ob species rerum interdiu actarum, quibus non raro solet incubere: & iis qui somniorum artem tenent, anima ipsa artificiosius colludere solet. vbi contigerit cõposita esse somnia, diuidenda sunt, atq; vnumquodque seorsum iudicandum. Mixta verò, & inter se complicata, ægrè, & difficulter exponi possunt.

E 5 sunt.

sunt. Sæpe eadem videre, si quidem ex paruis interuallis videantur, & continenter, semper idem significare putamus: quando verò magna interualla fuerint, aliàs alia portendere, quòd non semper in iisdem negotiis versemur. Considerandum verò in omnibus, num iucundum, aut iniucundum somnii fuerit visum. Nam etiam quæ malum significant, si anima videntis per somnum non iniucundè fuerit affecta, minora mala euenient, & ferè euentus non succedet. Quæ verò bonum quid portendunt, si non animæ affectio fuerit iucun-

*Somnii
significatio
quando in actu
prodeat.*

da, bona imperfecta contingent, aut inutilia, aut omnino minora. Sed de interpretatione hæc satis. Nunc discutiendum videtur, quomodo

tem

tempore interpretata iam huiusmodi somnia in actum prodire debeant. super qua re multa probabiliter, & acutè disputauit Artemidorus, in hunc modum: Quæcunque, inquit, in determinatis temporibus fiunt, ex rebus quæ existunt, ea etiam in somnis visa, in iisdem temporibus eueniunt, velut certamina, & cõuentus, & magistratus, & exercituũ duces, & similia. Quæcunq; verò ex rebus existentibus, in indefinitis, & nõ fixis temporibus fiunt, indeterminatè etiam eueniunt. velut concubitus, & cibi excretiones, & præexcretiones, & his conferẽtia, exceptis animalibus. Hæc enim quanto tempore gignuntur, hoc est quanto in vtero gestatur, tanto etiam eueniunt.

In

Insuper dii , & Reges , & parentes , & domini , non in determinatis temporibus eueniunt. Accipies autem moderatos euentus , & tempora , ex adjacentibus singulis eorum quæ videntur , aut ab ipsis expectationibus. Ridiculum enim fuerit ei qui de crastino timet , aut sperat , & somnium vidit , in anni horas futura iudicare. Amplius autem & quorum inuentio ad dies exposita est , diebus eueniunt , quorum verò diuturnior , longiori tempore. Et quæ à longe videntur , velut quæ circa cœlum , propter distātiā serius eueniunt. Idem speculatiua euestigio , & valde statim euenire putauit. Allegorica omnino tempore aut multo , aut modico intercedente , aut vt
mini -

minimum die vna. Non pluris
tamen quàm ad vsque duos &
viginti annos effectu suo fraudari
possunt. Sic Ioseph anno ætatis
sux decimoseptimo somnia-
uit, quod postea ætatis suæ tri-
gesimo nono prodiit in actum. *Perora-*
Atque hæc est in vniuersum re- *tio.*
cta, & minimè superstitiosa in-
terpretãdorum somniorum ars,
partim ex diuina vi consulente
mentibus, partim ex conuenien-
tia quadam, & coniunctione na-
turæ nec non ex cõstanti & diu-
turna quadã obseruatione con-
flata. ad quam qui accessurus est,
aduertat imprimis diuina so-
mnia non ita sæpe euenire. Qua-
propter consulimus, vt nemo so-
mni diuinitatẽ superstitiose in-
quirat, sed iis tantum mentem
adhi


adhibeat , quæ manifestè animo post somnum hæsisse senserit. Cauentes interim ne crudelitate nostra, aut superstitione in dæmonum laqueos præcipitemur , arbitantes à Deo , vel bonis Angelis nos visionẽ accipere , quam seductor ille diabolus inspiraerit. Quo pacto autem id intelligendum esset , sufficienter diximus , cum falsa à diuinis separaremus. Horum autem explicationem tum ex hac methodo, nostra , tum artificiosa similitudinum interpretatione apud Artemidorum petere licebit. In naturalibus insomniis si quis liberius se exercuerit , rem medico non modo dignam, sed & pernecessariam se fecisse sciat. De his quæ à malis dæmonibus immit-

tunt

tuntur, non est quòd amplius verba faciamus, cum partim naturales habeant significationes, partim meras insidias: quibus deprehendendis, propellendisq; sagaci opus sit ingenio, & diuina quadam industria, potius quàm humana arte. Postulabat hic locus vt de captandis secundum quietem oraculis paucula diceremus, quòd hanc philosophiæ partem maximè coluisse videantur Mercurius Trismegistus, Pythagoras, Plato, & hos secuti, Iamblichus, Plotinus, Porphyrius, Proclus. Idq; per reditum animæ in primam suam naturam, qua vigeat antequam in mortale, & caducum hoc domicilium laberetur. Reditum autem fieri constat iisdẽ gradibus, quibus & descen

descensum. De quibus non pauca scripseramus, Platoniorum decreta secuti. Sed cum pleraque Mathematica, & secretissima Chaldæorum, & Indorum Philosophorum mysteria interferuissem, visum est eruditis aliquot viris, amicis meis (quibus ea communicaueram) huiusmodi naturæ miracula suis limitibus continenda esse, quòd vulgi aures nō ferant, quæcunq; vulgarem inquisitionem transgrediuntur. Quare ne & petulanti inscitæ, & calumniæ locum daremus, quicquid de ea re à nobis scriptum erat, aut expunximus, aut in ardentis flammis coniecimus.

F I N I S.


 HIPPOCRATIS
 DE INSOMNIIS
 LIBER,

*

IULIO CAESARE SCALIGERO
 INTERPRETE.



V A E per somnia
 conijci possunt, si-
 quis nota habeat:
 magnū ad omnia
 sanè momētum ea
 conferre intelliget. Etenim ani-
 ma, dum vigilat, atque corpori
 vires administrat, in multa dis-
 pertita loca, nequaquam vacat
 sibi: sed singulis corporis fun-
 ctionibus intenta est: quippe ipsis
 sensibus, auditui, visui, tactui,
 ambulationi, actioni: omni de-
 F nique

nique cogitationi, ipsa pro se nihil agit. Cū verò quiescit corpus, illa mouetur: atq; egrediens è corporis partibus, suo domicilio continetur: ibi omnibus illius fungitur officiis. Corpus enim somno captū nihil sentit. at ipsa vigilans cognoscit: vidēda videt: audienda audit: vadit, tāgit, mœret: temporis momento ratiocinatur: ibiq; in somnis tum sua, tum corporis obit munera omnia. Si cui igitur recto hæc erunt cōprehensa iudicio, ei magna sapientiæ pars fuerit comparata.

Igitur quæ somnia diuinitus publicè priuatim'ue euētum aliquod siue malum, siue bonum infontibus portendunt: sunt qui exacto iudicio artem calleant iis interpretandis.

Quæ

Quæ verò corporis affectio-
nes ab anima præmonstrantur:
siue quod repletum sit, siue quod
inanitum: aut aliquam cognata-
rum partium redundare: aut eo-
rum, quibus assueuerit, quippiã
mutatum iri: has quoque affe-
ctiones indicant: sed ita, partim
vt assequantur, partim aberrent.
Verùm vtriusq; rei causam igno-
rant, & quare deprehenderint,
& quare falsi sint: quamobrem
obnuntiant, cauendum esse, ne-
quid detrimenti capiatur. Cæ-
terum quibus sit vitandum con-
siliis, cum nihil doceant: Diis im-
mortalibus vota iubent nuncu-
pari. Id quod tametsi & rite fit,
& in primis est cõducibile: oportet
tamen Diis inuocatis, nos
quoq; operæ aliquid in medium

afferre: quæ ad hunc sanè modum præscribi possit.

Diurnas actiones si in noctem transmittat cogitatio: reddatq; in somnis ea, quæ interdum honesto in negotio, aut opera, aut consilio patrata sunt: id homini bonum est. sanitatem enim significat: propterea quòd anima diurnis in consiliis perstat, neque repletionem neque inanitate victa, aliaue re quapiam, quæ extrinsecus euenire solet.

At cum diurnis functionibus somnia aduersantur ita, ut inter ipsa non conueniat: indicatur corporis perturbatio. Itaque ex forti forte malum portenditur, ex debili imbecillum.

Vtrum verò res hæ sint aueruncandæ, nec ne, non est nunc
confi

consilium indicare : sed hominis corpus curandum esse statuo. Cùm enim corpus plenius est: quod superfluum est, animæ negotium faceſſit. Igitur id quod aduerſatur, ſi validius ſit, & vomitus confert, & leuiorum ciborum uſus, ad diem quintam uſq;: tum deambulatio poſt cibũ frequens, atque concitatio: moderatæq; præterea exercitationes.

Quòd ſi minus validum ſit id, quod oppugnat: omiſſo vomitu tertiam demito ciborum partem. Quam viuendi rationem in dies item quinque promoueto: deambulationibus vrgeto: uocis utitor contentione: Diis immortalibus uota concipito: atque ita ſedabitur perturbatio.

Solem, & Lunam, ac cœlum,

F 3 rum

tum sidera ipsa pura, suo quæq;
modo motuq; agitãtia si quis per
quietem cernat, pro bono habe-
bit. Valetudinem nanque, eiusq;
causas commodas indicant. Cæ-
terũ præsentis victus ratione ha-
bitudo illa seruanda erit. At si-
quid contrã euenerit: morbum
quempiam corpori minatur: ac
validum quidem à fortibus in-
diciis, ab leuioribus debiliorem.

Ac sidera quidem in ipso mo-
uentur ambitu: Sol medium ob-
tinet: Luna in cõcauo cœlorũ est.

Siquid horum siderum extin-
gui, lædiue, aut aboleri, vel ab
orbita sibi attributa absistere vi-
deris: eadem quoque parte mor-
bum occupaturum iudicato.

Si ab aëre, aut nube, sidera ho-
rum quippiam pati videantur,
signum

signum debilius est: si ab aqua,
aut grandine, fortius. Indicat
enim in corporis intima humi-
dum ac pituitosum illapsum ex-
crementum. Confert igitur huic
plurima exudatio: quam perfi-
ciet, si leuiore cursu primùm,
mox etiam omnibus indutus ve-
stimentis frequentius cōcitetur.
Tum verò id quoq; curandum
est, vt postquam sese exercuerit,
deambulet ieiunus multū. Præ-
terea quinq; dies totos expedit
victitare tertia dempta ciborum
parte. Quòd si malum valentius
videatur, etiam vaporario opus
est. Excrementa nanq; per sum-
ma corporis educi debent: pro-
pterea quòd nocumētū in ambi-
tu corporis est. Cibi verò siccio-
res conducibiles sunt, itē acres, tū

F 4 aspe

asperiores meriores: postremo ii labores, qui maximè exiccant.

Quòd si horum quippiã Lunæ acciderit: commodius introrsum retrahimus. Acribus quoq;, ac falsis, mollibusq; cibis vomitus ciendus erit. Concitatis tum cursibus, tum deambulationibus, præterea vocis contentionibus vtetur. Necnon ciborũ moderata, stataq; exhibitione inedia tolerabit. Propterea verò introrsum retrahendũ erit: quia nocumentum intus est.

Si Sol harum rerum vlla afficiatur, vehementius malum hoc, curatuq; difficilius fit. Oportet enim vtroque versum distrahere, cursibus & rectis, & flexuosis: item deambulationibus, aliisq; omnium generũ laboribus: præterea

terea instituta ciborum temperatione post vomitiões, ad quintum vsque diem vti.

Sudo cœlo sidera si premi, præq; siccitate imbecilla superare ambitum nequire videantur: periculum à morbo imminet. Igitur laboribus temperare, humidiorẽq; victu, atque molliore vti, operæpretium est: tum balneo, animi tranquillitate, largiore somno, vsque dum pacatus fit motus.

Sin igneum, calidumq; appareat id, quod oppugnat illa: fluxibilis arguit exuberantiam.

Quòd si victa evanescere videantur, timendum est, ne morte morbus finiatur.

Si autem vegeta ipsa, at aduersarius in fugam verti videatur,

F s tur,

tur, eaq; fuga cita sit: illa verò
persequantur: in discrimine ho-
mo est, nisi caueat, ne mente mo-
ueatur. Optimè confert his vi-
ctitandi modus, exhibito vera-
tro: aut saltem expedit, aqua vi-
ctum attenuari, neq; vinum bi-
bere. Quòd si vinum detur, esto
id album, tenue, molle, aquosum.
Acria nocent, & ea, quæ deficcāt,
aut calefaciunt: item salsa. Labo-
res, quibus assueuerit, & cursus
frequentiores in veste, boni sunt.
Abstineat fricatione, lueta, vn-
ctione. Molliore somno, & animi
quiete iuuabitur: sed ita, natura-
les labores vt ne prætermittat.
A prandio deambulato. Condu-
cet etiam, si sudet in vaporario,
ac deinde vomat. Dies triginta
modico victu vtitor. Sin replebi-
tur,

tur, ex dulcibus, & aquosis, & leuibus, bis in mense vomat.

Si stellæ nullo impellente, per se ipsæ palantes videantur: animæ perturbationem propter curas indicant. Ergo animi remissione opus est, atque appulsione ad iocosa spectacula, aut saltē ad scenicas voluptates biduo, triduo, ve. Itaq; aut sedabitur, aut in morbum incidet.

Quæ sidera ex orbita sua excidere videbuntur, ea si pura, si illustria prorsum promouent, bonæ valetudinis argumentum præbent. Quod enim in corpore purū est, id naturali circuitione post vespas ad mane excernitur. Nā quæ in vētrē demittuntur, & quæ in carnē redundāt, ex circumferentia omnia deciduntur.

Quòd

Quòd si aut atra, aut obscura fuerint, & in Occidentem delata, aut ad mare, aut ad terram deurgant, aut ferantur sursum: morbum portendunt efficacius. Quæ sursum nituntur, capitis indicant distillationes. Quæ ad mare demittuntur, pustulas in carnem designant erupturas. Commodè his cibi tertia detrahetur pars. Quem viuendi modum in quartum vsque proferet diem: atque interea vomet: postea in dies totidem tum vomitus, tum pristinam inibit cibi rationem.

Horum siquid in cœlo insidere, idq; purũ, humidumq; apparebit, sanitatis nota est. etenim cœlitus id in hominem descendit: quippe anima tale cernit, quale in ipsam ingressum est.

Quòd

Quod verò atrum, atque impurum, obscurumq; fuerit, morbum minitatur: quanquam non ab repletione, aut inanitione, sed ab eo, quod extrinsecus ingruerit. Citatis decursionibus curantur ii eò vsque, dum corpus, sed intra modum, dissoluatur. Compresso verò spiritu excernat, quod obuium sit. Post cursiones, spatia faciat incitatoria. Vitæ modus mollis, leuisq; esto, ad quartam vsque diem.

Cùm à deo accipere quippiã somniamus, argumentum est probũ bonæ valetudinis. Ostendit enim, quid in corpus sese induit, purum esse.

Contrarium autem malum. Insinuasse nanque sese in corpus morbum, ostendit. Quare
super

superiore ratione hunc quoque curabimus.

Mollis pluuia, clementi cœlo, minuta roratione, sine hyberno impetu, bona est. Ex aëre nanq; spiritum moderatum, purumq; subiisse demonstrat.

Huic diuersi imbres, largi scilicet, hyemales, ac procellosi, cum aqua sordida, ab insinuato spiritu morbum prætexunt. Modico cibatu ales omnes hos.

Indicia, quæ cœlestia intentent nobis, his iudiciis obseruare, hisq; cōsiliis victus inire oportet rationem. Tum Dii immortales secundis in rebus supplicationibus adeundi, Sol, Iupiter cœlestis, Iupiter opulentus, Minerva, Hera, Mercurius, Apollo: in aduersis, ad Deum iram auertend

tendam, Tellus, Heroës incōmodorum auerruncatores.

Quæ verò in terris functiones exercentur, eæ quoque ad valetudinem conferunt dignoscendam: vt, acutè videre, audire: firmè ambulare: inoffensè, ac sine metu currere: terram quoq; intueri solutam, beneq; cultam: arbores germinantes fructu grauidas, ac mites: amnes temperato labentes cursu, aqua lym-pida, ac quanta satis sit: item fontesq;, puteiq; valetudinem bonam nuntiant somnianti: eiusq; corpus pro suo modo, & digerere, & admittere, & excernere.

Contrà, diuersa ab iis, noxam prædicunt. Si visus, si auditus impediri videatur, caput ægrum indicant. Matutinæ huic
deam

deambulationes instituēde, præfertim à prandio: obseruata priorè viuendi ratione. Quòd si crura male habeant, vomitu materia distrahenda erit, & pristinis victitandi legibus addenda luctandi exercitatio. At ex terræ squalidæ visione, impuram esse carnem coniectamus. Itaq; post exercitationes, multum est deambulandum.

Steriles arbores humani seminis declarant corruptionem. Si frondes cadere videantur, ab humidis ac frigidis impendet detrimentum: sin frondosæ sint & fructu careant, à calidis, & siccis. ibi igitur victus siccus, calidusq; esto: hic frigidus, & humidus.

Fluminum mutata facies sanguinis motum repræsentat. Plus
iusto

iusto tumidi si fluant, excessum: si minores, defectum agnoscas. Largiore victu his opus est, illis parcio. Turbulenti perturbationem signant. Restituetur puritas cursu, ac deambulatione, postquam spiritus contentione motus fuerint excitati.

Fontium, puteorumque visiones, flatibus affectam vesicam declarant. Quamobrem vrina cienda erit, ut educantur.

Mare fluctuabundum ventris morbos nuntiat. Qui lenibus, mollibusque deiectionibus sunt tollendi.

Terra, aut domicilium si moveri videantur, homini sano langorem portendunt, ægrotanti sanitatem, atque præsentis status mutationem. Sanus, suæ consu-

G let

let valetudini: si victum alium
præscribat sibi, primùm vomat:
deinde pauxillo cibo reficiat se.
Totum nanque corpus princi-
piorum mouetur ratione. Aeger
autem nihil mutabit. mutatur
enim ipse tunc ex eo, in quo est.

Maris, aliarum' ve aquarum
diluuio terra obruta, morbum
significat. Multus quippe hu-
mor in corpore inest. Vomitu,
atq; inedia tum laboribus, præ-
terea siccis cibus curandi sunt.
Post hæc per gradus paulatim
pristina victus repetenda lex est.

Neque verò illud bono est,
atram terram, atque exustam
cernere: vehementis enim, leta-
lisq; mali appulsu tentatum iri:
quippe ariditas in carne multa
indicatur. Quies igitur appeten-
da.

da. Siccis, calidis, acribus, & iis, quæ urinam mouent, abstinendum: ptisanæ decocto contentus sit: mollibus cibis, ac leuibus, sed paucis, albo vino, aquoso multo: lauacris multis, calidis: sed in quæ nunquam ieiunus ingrediatur. Molli cubet strato, animi tranquillitate conquiescat. Frigus, Solemque vitato. Telluri, ac Mercurio, heroibusque supplicato.

In lacu, mariue, aut fluuio si quis se somniet urinare, malum est. Exuberantia nanque humoris indicatur. Tenuis vitus, atque laboribus exercitatus huic utilis est. Quod si hoc accidat febrienti, bonum est: extinguitur enim ab humore calor.

Eorum, quæ ad sese, suamque

G 2 nat

naturam pertinent, sicui quid in somnis videatur eius esse modi, vti neque maius, neque minus sit: bonæ valetudinis monstratio est.

Candida veste, pulchrisq; indutus calciamentis bene sentire debet de sua sanitate.

Membrorum modus alius, atque à natura constitutus, nihil boni pollicetur. Peius verò est, si minore sit quantitate, quàm si maiore. Victus in altero euentu, augendus, in altero minuendus erit.

Atræ species ad ægritudinem præmonstrandam propensiores, maius discrimen obnuntiant. Mollibus ergo humidisq; bona valetudo cõstituenda erit.

Omnia item noua, significant
mutat

mutationem.

Vita functos nitidos, atque candidatos si quis viderit, bonæ valetudinis argumentum habet. Si quid puri ab his acceperis, ratio par. Sanum nanque corpus dicitur, sanaq; alimenta. A mortuis enim alimenta, & augmenta, ac semina ipsa snppedi-
tantur: quæ, si pura in corpus subeunt, edicunt sanitatem.

Eosdem contrario habitu si videas, nudos aut atratos, aut sordidatos, aut aliquid capientes, aut auferentes ex ædibus: minimè commodum est. Instat enim morbus. Ea nanque, quibus alitur corpus, noxia sunt. Decursu, ac deambulatu curantur, molliq; cibo, leui, postquam vomuerint.

G 3 Cùm

Cùm monstrosa corpora in somnis ostendunt sese, atque hominem territant: tum coniicimus, insuetis cibis, atque exuberantibus grauatos esse nos. Bilem quoque, & morbum periculosum minitantur. Itaque vomitum prouocato: quinque dies cibariis leuibus, minutis acquiescat. Abstinebit ab acribus, ficcis, calidis. Laboribus verò, quos natura exigit, præterquam deambulatione, quæ post prandium præscripta sit, exercebitur. Balneis, calidisq; perfusionibus, & animi æqualitate fruetur. Ab Sole, & frigore cauebit sibi.

Inter dormiendum qui putat sese aut cibum, aut potum solitum capere: is intelliget, & minus capere nutrimenti, quam
par

par sit: & animo esse tristiori.

Carnes validissimæ maximum excessum significant: tennerrimæ minorem. earum nanque ratio par, & cùm eduntur, & cùm videntur. Oportet his demere de cibo: propterea quòd plurimi alimenti argumentũ est.

Panes quoque caseo confecti, somnii eiusdem nacti sunt finem.

Aquæ puræ potus, bonus est: cætera omnia noxia.

Quibus assueuimus, ea per quietem intuendo, animæ declaramus cupiditatem.

Cùm quid præ terrore fugitamus, præ siccitate sanguis in nobis tumultuatur. Refrigerare igitur, atque humectare corpus conuenit.

G 4 Cum

Cum pugnam committere, atque extimulari, aut vinciri videmur: tunc aliquid superflui corporis functionibus aduersari deprehendimus. Tollit id vomitus, deambulatio, leuioribus cibis attenuatio: quos post vomitum, dies quinque continuabis.

Siquis errabundus, siquis cliuos superare sibi videatur: difficile quippiam naturæ suæ incommodare intelligat.


Fluuiorum transitus, hostes armati, monstra difformia, aut morbi, aut furoris præfagia sunt. Qui his sunt præuenti, iuantur victu tenui, leui, delicato, vomitu non violento, ad dies quinque: laborum frequentia, quos exigit natura: verum his post cibum abstinebit. Balneum

neum & desidiam, & solem, & frigus cauere debet. Horum enim usu, quemadmodum dictum est, bona poterit valetudo comparari.

Hæc est viuendi ratio, quæ pro humano captu, Diis bene iuuantibus, à nobis est instituta.

FINIS.

G 5





GALENI DE
INSOMNIIS
LIBER,

*

GVINTERIO ANDERNACO
INTERPRETE.



INSOMNIUM
quoque corporis di-
spositionem nobis
indicat, ubi quis
ignem accensum vi-
dere se per somnium existimat, à
bile flava infestatur. Si fumum,
aut caliginem, aut tenebras in-
gentes ac profundas, ab atra.
Pluuia, frigidi humoris abun-
dantis index est. Nix, glacies,
grando pituitam frigidam por-
tendunt. Porro in his temporibus ac
alim

alimento sumpto mentem adhibere conuevit. Nam qui niue conspergi se putat, si hoc in accessionis insultu, cum totius corporis concussione, vel horrore, vel frigore imaginatus sit, temporis potius quàm corporis statui tribuendum est. At qui in declinatione huiusmodi somnariit, firmiorem humorum præpollentium frigiditatis indicationem nobis offeret: idq; adhuc magis ubi pituitosos cibos assumpserit: quibus in ventriculo contentis huiusmodi quædam imaginatio fieri solet, & si in toto corpore similis dispositio non existat. Quoniam verò per insomniam non ex corporis statu animus imaginationem solum concipit, sed ex quotidianis ac consuetis


fuetis nobis actiombus : nonnulla ex illis quæ nos reddunt sollicitos : alia quoque tanquam vaticinia prænuntiantur. Etenim experientia hoc confirmat, insomnia quæ ex corpore proueniunt magno admodum & difficili negotio discerni posse. Si nanque à rebus quæ à nobis quotidie fiunt, item quarum curam gerimus, diiudicare solum oporteret: indubiè minimo labore, quæ neque acta, neq; curæ nobis sunt, ea ex corporis cõstitutione proficisci coniceremus. At quum aliqua vaticina esse cõcedamus, quomodo hæc ab illis quæ corpori accepta feruntur, discerni queant, dictu non est facilè. Nam somniauit aliquis crus alterum lapideum euasisse : idq; complures

reshuiusmodi rerum periti somnium ad seruos spectare iudicarunt. Verum neruorū resolutionem, quam Paralyfin appellant, in crure illo vir passus est. & hoc contra nostram omnium opinionem. Pugilem sanè, qui in sanguinis vase quodam stare, & vix eminere sese putabat, sanguinis copia ipsum laborare, & euacuationem requirere coniecturauimus. Nonnulli, quibus per sudores morbus finiendus erat, lauari, & in aquæ calidæ lacu natare se opinati sunt. Sic inexplebilis bibēdi cupiditas animo concepta, vehementer sitientibus accidit: sicut edendi famelicis: veneris autem imaginatio ingens, semine repletis: quandoquidem animus in imas corporis

ris partes digressus, videtur, externis rebus neglectis, corporis affectū percipere: ad hæc, omniū quæ concupiscit, horum tanquàm modo præsentem imaginationem arripere. Hæc si ita se habent, quid miraculi est, quum animalis facultas à graui humorum copia molestetur, vix moueri se pondere quodam onustos per somnium imaginari? E contrario leuis vbi fuerit, nihilq; superuacui cōtineat dispositio, aut volantes se, aut citissimè currentes, sic affectos somniare? Cum imaginationes animi, corporis affectionibus similes existant, vt vel ad grauiter, vel benevolentia venire existiment. Siquidem in sterquilinio, vel cœno versari se imaginari, vel humores prauos,
gra

graucolentes, & putridos, vel
stercoris quod intestina conti-
nent, abundantiam repræsentât.
Contrà affectos, vt qui in odo-
riferis locis agere se opinantur,
contrariam corporis dispositio-
nem habere præfagiendum est.
Proinde quæ in somniis ægri
vident, atque agere se cre-
dunt, plerunque humo-
rum inopiam, ac ple-
nitudinem, qua-
litemq; no-
bis indi-
cant.

FINIS.



SYNESIUS DE

SOMNIIS, TRANSLATUS

à Marsilio Ficino Florentino ad Petram

Medicen.

Medicen.

*



ET VS mos est maximeq; Platonicus sub quodam viliori pretextu grauiora occulere philosophiæ mysteria, ne forte quæ summo cum labore adinuenta sunt, pereant: ne'ue interea coinquentur, si vulgo palàm exposita fuerint. Hunc itaque morem nos in hoc opere pro viribus secuti sumus. vtrum vero & id consecuti simus, et cætera antiquorum
more

more abūde tractauerimus, diiudicare poterunt, qui hęc philosophico ingenio legerint.

Vaticinium eorum, quibus homines student, optimum esse.

SI somni sunt prophetæ, & quæ in somniis videntur, hominibus exhibent inuolucra futurorum, sapiētes quidem erunt, certi vero non erunt, quatenus sapientia somniorum in ipsa consistit incertitudine. occultauerūt enim dii vitam hominibus. nam maxima sine labore cōsequi proprium diuinitatis est bonū. apud nos autem non solum virtutes, sed cætera quoque præclara sudore quærūtur. Vaticinium vero, maximum videbitur esse bonorum. ipsa nanque notitia, & omnino cognitionis ipsius facultata

H culta

cultate, tum deus homini, tum homo bestiae praestat. Sed deo quidem ad cognitionem sufficit ipsa natura: homini vero vaticiniū longe plus affert quā communis notitia ferat. vulgus enim praesentia tantum nouit, futura vero coniectat. Solus autē Chalcas in concione Graecorū omniū nouit. Quae sunt, quae fuerint, quae mox uetura trahantur. Hanc igitur ob causam apud Homerum res deorum ex ipsa Iouis sententia pendent, quoniam prior extitit, pluraque nouit, eo ipso, quod antiquior est. aetatem enim eō tendere in carminibus arbitror, quoniā beneficio temporis plura nosse contingit, quandoquidem notitia ipsa est sanè honoratissimū. Siquis autem ex aliis
carm

carminibus adductus, existimet Iouis imperium in manuum potestate consistere, quod ait, hic robore præstantior est, is moleste poema interpretatur, nec intelligit, quæ in illo est, philosophiam, nihil aliud deos esse dicentem quàm mentes. sic rursus ad id, quod ait, viribus excellere, esse etiam generatione priorem adiungit, cum Iouem dicat mentem antiquiorem. Mentis autem ipsius robur, quidnam est aliud quàm prudentia? Quisquis igitur deus est, dignusq; , qui aliis præsit, censetur: is, cum mens sit, sapientiæ præstantia imperat. Quare quod ait: Robore hic excellentior, cum eo, quod est, plura nouit, idem nobis significat. Et propterea fertur etiã sapiens

H 2 deo

deo similis, quòd tum mēte propius esse conetur, tum se circa intelligentiam exerceat, qua diuina constat essentia. His igitur rationibus demonstratum sit, vaticinium eorum, quibus homines student, optimum esse.

In mundo tanquam uno quodam animali res aliæ signa alijs exhibent.

SI autem per omnia significantur omnia, quippe cum omnia in vno animali mundo sint germana, atque sunt hæ veluti omniformes literæ, sicut in libro, sic in vniuerso signatæ, partim quidem Phœnicia, partim vero Aegyptia, partim Assyria. has autem sapiens ipse legit. Sapiens vero, qui naturam didicit rerum, & alius quidem legit alias,

alias, & hic magis, ille minus. Quemadmodum hic quidē paulatim per syllabas, iste vero dictionem simul totam, ille deniq; orationem similiter. Ita sanè sapientes futura prospiciunt, alii suspicientes astra, alii flammās, siue manentes, siue currentes, alii in visceribus futura rimantes, alii in garrutibus auium, obseruātes interim quā volent, vbi ue insideant. sunt & qui perspicua futurorum signa coniectant ex vocibus, & concursibus, siue casibus accidentibus alteri, quippe cum omnibus omnia significā sint, quapropter si aues sapientes forent, artem certe vaticinandi ex hominibus collegissent, quēadmodum nos ex illis peritiam cumulauimus. sic enim nos illis,

H 3 quem

quemadmodum & illæ nobis,
occurrimus nuper, & olim, & ad
dextram, atque sinistram.

*Ea est mundi concordia, ut alia tra-
hantur ab alijs, atque
conspirent.*

CVM enim vniuersum hoc
sibimet sit compatiens, at-
que conspirans, oportet partes
congruenter inter se conuenire,
vtpote, quæ vnius æque totius
sint partes. Consideratione vero
dignum est, vtrum huc tendant
illices, vel motacillæ magorum.
Mundana enim sicut ex se vicif-
sim significatur, sic inuicem per-
mulcentur. Iam vero sapiens est,
qui mundanarum partiũ cogna-
tionem tenet. trahit enim per
aliud, aliud presentia tenēs, velut
pignora quædam procul absen-
tium

tium, voces videlicet, & materias, atq; figuras: perinde sicut in nobis, dum interius patitur aliquid, aliud quoque compatitur, malumq; digiti in emunctorium sæpe resultat, dū inter hæc multa minime patiuntur. ambo enim illa & vnius animalis sunt membra, & habent aliquid inter se cognatius, quàm cum cæteris. Atqui & alicui deo ex deorum numero mundanorum lapis hic, herba' ve congruit, quibus quasi compatiens naturæ cedit, ac veluti fascinatur: quemadmodum qui grauem pulsat vocem, commouet subito non proximã sexquioctauam, sed sexquitertiã, & acutã nomine netem. hæc enim propius sibi inuicem congruunt. Est enim in partibus sicut con-

H 4 cord

cordia quædam, sic insuper & discordia. nam mundus hic non est simpliciter vnum, sed ex pluribus vnum, suntq; in eo partes partibus consentientes interim, atque dissidentes, ita tamen ut earum dissensio ad consensionem vniuersi conducat, sicut lyra constitutio quædam est tonorum dissonantium, atque consonantium. Ipsum vero ex oppositis vnum ad harmoniam, & lyram pertinet, atque mundum.

Solum, quod mundo connexum est à mundanis trahi potest.

ARchimedes Siculus optabat situm aliquem extra terram, ita sperans se contra totam terram libraturum. Aiebat enim, dum esset in ea, se contra eam non habere potentiam: qui
vero

vero sapiens aliqua in re est circa mundi naturam, si extra ponatur, non habebit ulterius, quo pacto sapientia hac utatur. Ipso enim ad seipsum utitur. Interrupta igitur continuitate, hæc frustra sapit, signaq; huic obseruata carent anima. Atqui quantum extra mundum extat diuinum, id omne fascinari nõ potest, huic illud simile, qui emissus est, nihil curat, mentis nanque naturam illecebræ non attingunt. quod vero passiuum est illecebris demulcetur, & trahitur. Prouinciã quidem, & latitudinem vaticiniis, expiationibusq; præbent eorum, quæ in mundo sunt, multitudo simul, atque cognatio, distantium quidem multitudo, vnitorem vero, cognatio. Expiatio-

H s nes

nes quidem, solennitatesq; , sed nihil in præsentia sermo moueat ciuili tantum legi fidem adhibens, vaticinium vero recipere tutum est: nam & ipsius totum per ea, quæ intus habentur, est comprobatum. Quantum vero ad præsens spectat, licet optimũ feligere, impensiusq; in eius consideratione versari, dum interea propriam vaticiniis omnibus habemus obscuritatem, adeo, vt nulla eius species ex hoc ipso reiicienda sit, quod pariter est in tota, integracq; natura. Iam vero ratio declarauit, id quoque venerandum esse, vt quemadmodum in sacris est secretum, sic & oracula non omnibus sint aperta. hinc & qui in Pythia dat responsa, ὀξίως, id est obliquus, & con

& contortus est appellatus, quoniam & ligneum parietē, quem Phœbus Atheniensibus attulit, in salutem frustra vulgus audisset, nisi Themistocles oraculi mentem intellexisset, quamobrem neque vaticinium somniorum propterea respuēdum erit, quod sit obscurum. siquidem obscuritatem habet cum cæteris, oraculisq; communem.

De intellectu, & ratione, & phantasia.

STudendum vero huic maxime præ cæteris disciplinis, quoniam ex nobis hæc est & intrinsecus, & vniuscuiusq; animæ propria. Intellectus enim entium species habet, quemadmodum antiqua tradit philosophia. Nos quoq; adiūgere possumus,

mus, sicut intellectus species habet eorum, quæ sunt, sic animam eorum, quæ fiunt species possidere. Nempe sic se habet intellectus ad animã, quemadmodum ens se habet ad generale. Si igitur permutatim accommodetur primum ad tertium, & secundum ad quartum, vicissimq; rependatur, nihilo minus vera loquemur, sequentes scientiæ terminos. Sic itaq; demonstratum fuerit, quod nobis placet, animam videlicet eorũ, quæ fiunt, species possidere, habet igitur omnes, producit vero in actum in primis, quæ & conueniunt maxime, atque phantasiã illuminat quasi speculi more, per quã animal quæ manent intus aduertit. sicut igitur neque intellectus
ipsius

ipsius actiones animaduertimus, antè quàm ipsi communi nuntiet ipsa potentia præsidens, atq; quod non peruenit in eam, latec & animal, sic neque, quæ in prima sunt anima, solemus animaduertere prius quàm in phantasia eorum signacula veniant. Atqui videntur hæc vita quædam existere aliquantum inde sublapsa, & subsidens in ipsa proprietate naturæ, sentiendi vtique vires sunt penes ipsam. Etenim colores videmus, & voces audimus, & vehementissimum percipimus tactus impulsum, dum instrumentales corporis partes nihil agunt. Forte vero nihil prohibet eiusmodi sentiendi genus esse sacratius. Nam & per hoc diis quoque nonnunquam
prop

propinquamus mouentibus, & prædicentibus, atque simpliciter consulentibus, quapropter sicui thesaurus contigerit, somni donum non admodum admirarer, neque si quis cubitum profectus musarum expers inter dormiendum in musas inciderit, & partim quidem loquens, partim vero audiens idoneus poëta prodierit, quod & nostrum attulit seculum, neque hoc quidem videtur prorsus inopinabile. Mitto equidem in præsentia diuulgatas somnii dotes, quibus sæpe ab insidijs liberantur, & quot hominibus somnus accedens medicus aduersam expulit valetudinem. At quando ad absolutissimam æternorum contemplationem viam patefacit animæ non
sper

speranti, neque etiam cogitanti, hoc quidem munus est in ordinē rerum eminentissimum, naturam videlicet, supergredi, atque cum ipso intelligibili illum denique copulare, qui illinc usque adeo aberrauerat, vt neq; vnde venit animaduernerit.

*De potestate phantasiæ, spiritusq;
phantastici.*

SI quis autem magnum quidam existimauerit quidem adscensum in sempiterna, neque tamē confidat phantasiæ facultatem ad beatum illud commercium nobis suppetere, audiat eloquia sacra. Quæ varias ad hoc vias ostendunt, atq; post totum narrationis ordinem occasiones ex intimis nostris præbentem ad adscendendum, per quem datur

datur semen intimum augere.
Tradunt deum aliis quidem dedisse facultatem ad perdiscendam luminis notionem, alios autem etiam in somnis diuini fructus, vigorisq; effecisse participes, vides ne disciplinæ facundiã hic econtra diuisam? dum dicitur aliũ quidem in vigilia, alium vero in somno doceri. Sed in vigilia quidem doctor est homo, somniantem vero deus ipse fructus, vigorisq; sui participem facit, quasi non idem sit discere, atque consequi, nam pascere fructibus, plus est admodum quàm docere. verum hoc quidem nobis adsumptum fuerit ad asseuerandam vitæ phantasticæ dignitatem aduersus eos, qui de hac vel minima quæque desperant.

Iam

Iam vero nihil mirum est, eos ita sentire ob superuacua sapientiam, qui versati sunt in illis, quæ à sacris eloquiis reprobantur, ubi traditur victimas, observationesq; extorum vanas esse, proculq; fugiendas. illi vero quasi vulgo præstantiores, artes quidem alius alias ad præfaciendum accipientes, & operationes huiusmodi comprobantes, sola somnia negligunt, quasi rem vltro ante oculos positam, cuius passim ignarus, & sapiens æque particeps. Quid vero si ob hoc ipsum maior hic sapientia sit, quia communius munus habetur? non ñe & alia bona præcipue, quæ maxima sunt, omnium communissima sunt? nihil inter omnia, quæ videntur, sole diuinius,

I nius,

nus , nihil sole communius. Si autem ipsum per se deum inspicere donum beatum est , certe per phantasiam percipere antiquioris , propriæq; inspectionis est munus. hæc enim sensus est sensuum, quoniam phantasticus ipse spiritus sensorium est communissimum, primumq; animæ corpus. & hoc quidem latet, agitq; intus, principiumq; animalis habet velut ex arce. Nam circa ipsum vniuersam capitis fabricam natura construxit. Auditus autem, atq; visus non sunt quidem sensus, sed instrumenta sensus, communi sensui ministrantia, & quasi quidam animalis ianitores, & ostiarii, nuntiantes domino sensibilia forinsecus occurrentia , quibus pulsantur
exter

externa sensoria. Intimus inter-
ea sensus in cunctis sui partibus
sensus est integer, toto nanq; spi-
ritu audit, toto videt, similiterq;
reliqua valet. distribuit autem
vires alias aliis, quarum quali-
bet deriuatur ex animali seor-
sum, sunt quæ velut rectæ quæ-
dam lineæ profluētes è centro, &
conuēntes in centrum, vna qui-
dem omnes ex communi radice,
multæ rursus processione iam
factæ. Sensus igitur, qui per in-
strumenta fit palàm proposita,
maxime est animalis, tametsi nō
prius est sensus, quàm recurrat
in primum. Sensus autem sine
medio factus, & animæ propin-
quior est, & certe diuinior.

*Phantasia est perspicacior, quàm
sensus exterior.*

1 2 At

AT vero si corporeos quidem sensus ob cognitionem honorantes, quoniam maxime cognoscamus, quæ cernimus, phantasiam respuimus tanquam infideliorem sensu, videmur non satis animaduvertere: ne oculus quidē ipsum vere omnia nobis ostendere, sed aliud nec ostendere, aliquid quoque mentiri, tum per naturā eorum, quæ videntur, tum per naturam instrumentorum. Sanè ex interual-
lis minora, maioraq; eadem offeruntur, & quæ videntur per aquam grandiora nobis occurrunt, ac remus occurrit fractus, accedit & debilitas oculi. Nam & lippus oculus confusa, indiscretaq; obiicit. Quicumque igitur phantastico languet spiritu,
ne

ne exigat perspicua, discretaq;
visa. qui vero sit eius morbus, &
quibus de causis languat, hebe-
teturq;, quibusve purgetur, at-
que defecetur, & in naturalem
restituatur puritatem, à philoso-
phia secreta tibi est perdiscen-
dum, à qua mysteriis purificatus,
& diuinus euadit. atqui & in-
fluxus exteriores effugiunt antè
quàm deum spiritus intromit-
tat, & quicumque victu quodam
secundum naturam hunc cōser-
uat purum, hoc utitur admo-
dum præparato, adeo, vt hac in-
super ratione munus eiusmodi
sit cōmunissimū. Percipit enim
eiusmodi spiritus animæ quoq;
ipsius affectionem, neque com-
passione caret ad ipsam, sicut ter-
renum corpus huic circūdatum.

I 3 hoc

hoc enim & oppositas conditio-
nes habet præstantioribus affe-
ctionibus animæ. At primum
eius, propriumque vehiculum,
anima quidem bene se habente
tenuatur, ætheriamque; sortitur
conditionem: habente vero se
male, hebescit, euaditque; terre-
num. Omnino vero hoc est ra-
tionis interuallum, irrationalisque;
naturæ, & incorporei gradus, at-
que corporei, & terminus vtrius-
que communis: perque; hoc me-
dium diuina coniunguntur ex-
tremis, hac utique ratione ar-
duum est naturam eius philoso-
phia comprehendere.

*Spiritus phantasticus est primum
animæ uehiculum.*

VEndicat enim sibi spiritus
hic aliquid velut propriū,
tanq

tanquam ex vicinis quibusdam ab extremis vtrisque, & quæ tam longe disiuncta sunt, occurrunt in vna natura. atqui essentiæ phantasticæ latitudinem natura per multas rerum sortes extendit. Descendit vtique vsq; ad animalia, quibus non adest vltterius intellectus, neque tunc est vehiculum diuiniore animæ, sed subiectis præsidet viribus, atque est animalis ipsius ratio, multaq; per phantasticam hanc essentiã sapit animal, agitq; decenter, purgatur & in brutis, adeo, vt præstantius aliquid inseratur, tota quinetiam genera dæmonum ex eiusmodi vita suam sortiuntur essentiã. illa enim ex toto suo esse imaginaria sunt, & iis, quæ fiunt intus imaginata. Homo

I 4 quin

quinetiam multa per hanc exercet etiam solam, aut si per aliud, per hanc utique magis. Intelligentias nanque edere non sine phātasia solemus, nisi forte quispiam ad breue immaterialem attigerit speciem, phantasia vero supergredi, non minus est arduum, quàm beatum. Hinc Platonium illud: optabile illud est in primis, satisq; factum, sicui vel in senectute mens, sapientiaq; contigerit, significans intelligentiam absq; phantasia lucentem. quippe cum præcedens, communisq; vita phantasiæ sit propria, vel saltem phantasia utentis intelligentiæ.

Spiritus phantasticus inter æterna, & temporalia medius est, quo & plurimum uiuimus.

Pro

PRoinde spiritus hic animalis, quem beati spiritalem quoque animam vocauerunt, fit deus, & dæmon omniformis, & idolum. In hoc etiam anima pœnas exhibet. de hoc consentiunt & oracula, vitam in hoc animæ cōparantes imaginationibus somniantium. Philosophia quin etiā comprobat præcedentes vitas esse præparaciones quasdam ad vitas subinde sequentes, dum & optima in animabus affectio, vel habitudo spiritum eiusmodi leuius efficit abstergitq; habitudinis deterioris profunditatem. Tractibus igitur naturalibus aut attollitur in sublime ob caliditatem, atque siccitatem. Idq; apud Platonem alarum assumptione signatur, & apud Heraclitum si-

1 5 gnific

gnificat idē splendor siccus , anima sapiēs, aut crassus, humidusq; fit spiritus , vnde immergitur terræ secessibus, naturali pondere delitescens, expulsusq; in subterraneam regionem. Hinc enim locus spiritibus humidis maxime cōgruit. Ibiq; uita infelix degitur, & obnoxia pœnis. licet autem tempore, & labore, vitisq; aliis animam purificatam rursus emergere, cursum enim per geminas agit vitas, vicissimq; melioribus deterioribusq; propinquat. eiusmodi spiritum mutatur à sphæris anima prima descēdens, & hanc velut cymbam ascendens commercium in it cum mundo corporeo, atqui certamen agit eiusmodi, vt vel simul ducat, vel non remaneat simul.

Nem

Nempe vix quidem, fieri tamen potest, vt dimittatur nō sequens vltorius, nefas enim est notis non credere sacris. turpis autem accideret ad superos redditus, quando animæ non redderent alienum, sed circa terrā relinquerēt, quod desuper acceperunt. Atque hoc quidē vni, & secūdo donum dei mysteriorumq; acciderit. natura enim comparatum est, vt anima semel huic insita, vel simul impetum faciat, vel trahat, vel forte trahatur, omnino vero congregiatur, donec vnde venerat, rursus ascendat. Quapropter cum ob deprauationem ingrauescit, contrahit secum animam, quæ permiserat id grauari, atque id est, in quo eloquia semen in nobis intellectuale perterr

terrent his verbis, neque declines
 infra in obscurum mundum, cui
 profundum est semper infidele
 substratum, & infernus ater vn-
 dique, sordidusq; gaudens ido-
 lo demens. quo enim pacto men-
 ti expedit, stupida vita, demēsq;?
 at idolo, id est simulacro ob ta-
 lem tunc affectionem spiritus
 inferior competit locus. Simile
 nanque gaudet simili.

*Phantasticus spiritus potest purior,
 & impurior fieri, leuior,
 atq; grauior.*

PRoinde si per copulam vnū
 conficitur ex ambobus, in-
 tellectus quoque propter oble-
 ctationem, aliquando se immer-
 git. id autem malorum omnium
 est extremum, ne præsens qui-
 dem malū animaduertere, quo
 qui

qui premuntur, non conantur
emergere, quibus durissimum
iam callum morbus obduxit.
Ideoq; cū nihil doleat amplius,
merito neq; curare contendunt.
quamobrem pœnitētia vim ha-
bet peculiarem ad supera redu-
cētem. Qui enim præsentem sta-
tum fert, ægre excogitat fugam.
Itaq; maxima purgationis pars
est voluntas. huius nanque mu-
nere, tum facta, tum dicta ma-
num porrigunt. hac vero subla-
ta, omnis purgatoria machina
caret anima. quippe cum maxi-
mum reconciliationis pignus ei
desit, hęc ob causam & hic, & ibi,
punitiones ordini rerum maxi-
mum afferunt adiuuētum, dum
molestiam oblectamentis oppo-
nunt, stupidamq; expurgant ex
anima

anima nostra lætitiā. Tum vero casus, qui præter merita dicuntur incidere, plurimum conferunt ad affectū, quo his afficimur, extirpandū fortunis, certe eiusmodi apud eos, qui mētem habent, prouidentia confirmatur, quibus & qui mente capti sunt, diffidere de prouidentia solent. nullus enim relinquitur animæ locus, quo materiam fugiat, si in nullo hic malum inciderit. Quapropter existimandum est inferioris prouinciæ præsides vulgares adinuenisse prosperitates tāquam animalibus insidiaturas. Itaq; hinc emigrantibus animabus obliuiosum contingere potum alius dixerit, ingrediēti vero hanc vitam, animæ potum obliuionis affert cōditio suaui, & blan

& blanda. Cum enim ad primam vitam anima descenderit mercede laboratura, libenter serua euadit pro mercenaria. descensus quidem hic tendebat, ut ipsi vniuersi naturæ mysterium adimpleret, ita regulis legis inuitabilis ordinantibus. Fascinata vero materiæ donis perinde afficitur, atque illi, qui, cum liberi sint, ad certum tempus mercede conducuntur ad opus, ubi ancillæ cuiusdam pulchritudine capti, moras trahere volunt, ipsius amatae domino seruire constituentes. Iam vero nos, quando ex profunda sententia externisque circa corpus bona videntur, oblectamur, consentire videmur naturæ materiæ eam esse formosam. hæc autem conuentionem nostram

pro

pro arcano signat libello, atq; si-
quando inde discedere tanquam
liberi statuamus, profugos esse
clamat, & reuocare conatur, ac
tanquam fugitios seruos repe-
tit, libellum in medium introdu-
cens. tunc sanè fortitudine, auxi-
lioq; diuino potissimum opus
est animæ. quippe cum non sit
leue certamen, sui ipsius abroga-
re confessionem, atq; pactū, con-
tingit autem & vim inferri. pœ-
næ nãq; vltrices materiales, tunc
& iuxta fatum mouëtur aduer-
sus eos, qui à legibus fati rebel-
lant. Atque id ipsum est, quod si-
gnificant labores Herculis, & pe-
ricula, quæ oportuisse Herculem
tolerare, sacra testantur eloquia,
& si quis alius fortiter pro liber-
tate contendit, quod ad spiri-
tum,

tum, illuc usque traducat, quò naturæ manus minime porriguntur: at si intra terminos eius saltus acciderit, in angustum anima coercetur, grauioribusque opus est certaminibus. tunc enim nobis ipsa non parcat, quasi videamur iam alieni, etsi de ascensu desperet, pœnas exigit pro conatu. vitasque promittit non ab vtrisque iam doliis, quæ Homerus occulte significat tradens, duas esse materiæ portiones, duplicem distribuens fati conditionem, à quo bonum quidem nunquam est syncerum. Iam vero & aliquis deteriores sortem patitur temperatam.

Quàm utilis sit pœnitentia delictorum, quam perniciosus mortalium amor.

K Omni

OMnino vero vitæ omnes
in errore versantur, errore
inquam, vbi post primum de-
scensum non fit subito reditus.
Considera utiq; quanto interual-
lo spiritus hic nobiscum nego-
tiatur. cum enim deorsum incli-
natur anima, spiritū quoq; gra-
uescere, immergiq; sacrum tra-
dit eloquiū, quousq; regionem
subeat vndiq; tenebrosam. cum
vero resurgit anima, spiritum
etiam comitari, quatenus sequi
valet. valet autem, quousque in-
gradum peruenerit omnino di-
stantem. audi iam quid hac de re
eloquia doceant. neq; etiam ab-
iectissimum hoc materiæ præci-
pitio derelinques, sed etiā simu-
lacro portio est in regione vndi-
que lucida. Regio vero hæc re-
gioni

gioni vndiq; tenebroſæ prorfus
opponitur, tametſi hoc in loco
nemo ſic acutè nimium interpre
tatus fuerit. non enim ſolam in
ſphæras naturã inde profectam
reuocare videtur eloquium: ve
rum etiam ſiquid ex igni ſubli
mi, vel aëre in naturam ſimula
cralem anima contraxit ex alto
deſcēdens prius, quàm corticem
terrenum indueretur, atque ex
hoc ipſum ex aëre, igneꝫ; ſupre
mum inquit, vnà cum parte me
liore ad ſuperos reuocari. Quod
enim dicitur materiæ abiectiſſi
mum, ſignificare diuinũ corpus
nō poteſt. Iam vero ratio dictat,
quænam communicant, confe
runtꝫ;, ad vnũ non poſſe mutua
quadam habitudine, iuncturaꝫ;,
& perfeuerantia inter ſe carere,

K 2 præ

præsertim quorum vicinæ sunt
regiones, quemadmodum ignis
est orbiculari corpori proximus,
atque non sicut terra rerum te-
net extremum. Quòd si meliora
deterioribus quandoque ceden-
tia communionem fruuntur, con-
ficiunt in materia corpus indis-
solubile, tanquam formatum ab
eo, quod in cōgressu permissum
est imperare. forsitan & deteriora
non reluctantiâ aduersus actum,
actionem uel animæ, sed man-
suetiâ, & obedientiâ prorsus, at-
que sequentiâ, mediâq; natu-
ram indissipabilem exhibentiâ
ipsius animæ primæ ductu in
fortem simul rediguntur æthe-
riam, communiq; tractu tollun-
tur ad supera, si non ad vniuersi-
sum, saltem elementorum
ita

ita transeunt summitatem, attinguntq; regionem vtrinque lucentem. habet enim (vt inquit) quandam in se portionem, id est in ordine quodam corporis orbicularis recipitur. verū de parte, forteq; elementorum hæc dicta sufficiant. Quæ credere licet, atque non credere: essentiam vero corpoream, inde profectam negare non licet naturaliter anima reuolante attolli simul ex infimo, sphærisq; coaptari, hoc est in naturam propriam quasi refundi.

Anima corpus habet cœleste, pariter & aëreum quibuscum ad supra reuolat.

HAe quidem duæ extremae sunt regiones, atque fortes. Altera vtrinq; prorsus obscura,

K 3 scura,

secura, altera vndique lucens, quæ
& felicitatis, infelicitatisq; sunt
extrema fortitæ. Tu vero quot
existimas in mundi capacitate
esse medias regiones, quæ ex al-
tera quidem parte sunt atræ, ex
altera vero lucentes. in quibus
omnibus anima vna cum hoc
spiritu vitam degit, species, &
mores, & vitas alterne commu-
tans. Cum igitur in propriam ge-
nerositatem se recipit, veritatis
est penus. pura enim est, perluci-
daq;, ac prorsus immaculata. est
& deus, atq; vates, si libeat. cum
vero delabitur, obtenebratur, er-
raticaq; euadit, & mendax. quod
enim caliginosum est in spiritu
rerum verarum perspicuitatem
capere nequit. Cum deniq; tenet
medium, partim quidem aber-
rat,

rat, partim vero consequitur. Posses & hac ratione dæmonicam quoque naturam, eiusq; ordinem explorare. In omnibus enim consequi vera, vel paululum aberrare diuinū est, aut propè diuinum. conditio vero aberrans in prædicendo ad eos necessario pertinet, qui ad naturā inclinantur assidue, quorum & cōditio passioni obnoxia est, ac prorsus ambitiosa. Hoc enim pacto subterranea subit, dimittitq; deum, antiquioremq; dæmonē. Sed alia ratione hunc recipit, aditq;, & assequitur regionem naturæ præstantiori dicatam.

De regione omnino lucida, & omnino obscura, atque de media, & quomodo passim spiritus reuoluatur.

K 4 Pro

PRoinde ordinem animæ uiuentis in homine hinc deprehendere licet in quocunque phantasticus spiritus purus est, atque compositus, & vigilans, atque dormiens veras rerum effigies accipit. Hic sanè tunc pignus possidet, quo asseuerare possit ipsam animæ suæ figurā meliori sorte potiri. Neq; leuiter insuper venari possumus, quænam potissimum animalis spiritus sit affectio ex imaginationibus, quas præcipue promit, & in quibus se versat, quando à nullo pulsatur extrinsecus, Philosophia huic suppeditate iudiciaria, atq; monente, vt hunc nutriamus, diligentissimeq; curemus, nequãdo aberret. Educatio autem optima est secundum intuentem, percipient

ipientemq; potentiã semper age-
re, & omnino, vt intellectualis sit
semper actus ipse præcipuus ani-
mæ. Atque, quod fieri potest, ab-
surdos, temerariosq; impetus cõ-
ceptus phantasiæ semper antici-
pemus. Hoc autem est, vt in pri-
mis ad optimum conuertamus,
neque cum deteriore commer-
cium ineamus, nisi quãtum sum-
ma cogat necessitas. Intellectua-
lis autem intuitus res quædam
est, maxime omnium, quæ in spi-
ritu sunt, concreta secernens. Ex-
tenuat enim ipsum clàm supra
quàm dici possit, dirigitq; in
deum: hic vero factus ad hoc ido-
neus trahit cognatione quadam
diuinum spiritum ad animæ no-
stræ commercium, quemadmo-
dum condensatione aliqua cohi-
betur,

K 5 betur,

betur, fitq; angustior, quam ut implere possit sedes assignatas ei à prouidentia hominem effingente, quæ in cerebri sunt ventriculis, tunc sanè natura vacuum in rebus non tolerante, spiritus malus insinuatur. Tunc vero quid non patiatur anima inexcrabili malo assidue pressa? sic enim natura comparatum est, ut spiritus ipsius sedes, in hoc ipso dispositæ, vel peiori quodam, vel meliori sint plenæ, & hoc quidem malum poena est impiorum, qui diuinum eis sibi insitum inquinarunt, illud vero bonum, aut finis ipse pietatis est, aut proculdubio prope finem.

Quomodo deprehendat aliquis puritatem sui spiritus, atq; impuritatem, & qua ratione purificet.

Cum

Cum vero de vaticinio per
somnia facto differere sta-
tuerimus, ne id homines sperne-
rent, imo colerent, tanquam vi-
tæ admodum profuturū, ad hoc
sanè phantasticam naturam cu-
riose tractauimus, ex hac autem
disputatione, quod in præsentia
confert, minus apparuit. Fructus
autē præstantior est sani spiritus
ad superna reductio. Lucrū certe
animæ sacrum adeo, vt medita-
tio quædam religionis sit conari
eiusmodi spiritum reddere vati-
ciniis aptum. Iam vero quidam
hanc ob causam auiditate vati-
ciniis capti, mensam sacram, atq;
mitem anteposuerunt turgidæ
mēsæ, amaueruntq; cubile purū,
ac prorsus immaculatū. Permul-
tum certe abest, vt qui in pythio
tripo

tripode, phœbeaq; lectica tra-
 hebat, moras ad vaticinium, his
 vsuris noctes ibi protraheret in-
 temperantiæ testes, immo vero
 & obsecrabat deum, & votis im-
 pensior incumbibat. Quod vero
 paulatim accumulatur, euadit
 denique multum, & quod per
 aliud efficitur, in maius denique
 definit, dum videlicet deum ve-
 hementius amare pergimus, at-
 que ad hunc amorem cohorta-
 ri eos, qui antea non amabant.

*In primis elaborandum est, ut phanta-
 sticum spiritũ habeamus purum,
 & uaticinijs aptum.*

NON igitur spernendum est
 vaticinium nos ad diuina
 perducens, habensque propè as-
 sistens, quod est in animæ poten-
 tia præstantissimum. Neq; vero
 ob

ob hoc minor est utilitas animæ
sic deo coniunctæ, quòd in diui-
num est recepta commercium.
non enim interea deserit animal,
nam & ex specula inferiora cir-
cunspicit multo plenius,quàm si
cum deterioribus sit commista.
quapropter permanens incon-
cussa, dabit eorum, quæ fiunt,
imagines animali, atque id est,
quod dicitur descendentem non
descendere, quando natura præ-
stantior deteriolem curat non
detenta. Eiusmodi equidem va-
ticipinium & adesse mihi opto, &
afferre filiis, cuius comparandi
gratia longum iter aggredi non
compellimur, nec extra fines
enauigamus, quemadmodum ad
Apollinis Pythii, vel Iouis Am-
monis oraculum, sed sufficit da-
re so

re se somno lætis manibus, diu-
nisq; laudibus celebratis, huic il-
lud simile. hæc autem læta prius,
& puri coloris amiētus induta
Minerux vouet. Sic itaque so-
mnum exoptabimus, quemad-
modū forsan optauit Homerus.
Iam vero si paratus fuerit, aderit,
qui procul esse dicitur, euestigio
deus, quandoquidem nobis nihil
eiusmodi operatis, sed tantum
dormientibus ubiq; fit præsens,
atq; hæc quidē est mysteriorum
tota tractatio, propter quā nemo
vnquā inopiam accusauit, quasi
propterea minus quā diuites
consequatur. Pleræq; Res publi-
cæ sacrorū antistites ex nobilissi-
mis, ditissimisq;, sicut Athenien-
ses classis gubernatores eligunt,
apudq; illos opus est magnificis-
sum

sumptibus, & fortuna non parua, vt aduehatur herba cretensis, & ægyptia penna, osq; ibericum, ac per Iouem si quid prodigiosum in profuudo maris nascitur, atque nutritur, siue occidente sole, siue oriente. Traduntur enim eiusmodi quædam, & alia eiusdem generis plurima de illis, qui vaticinium acceptum forinsecus machinatur. quibus supeditandis nullius sufficit priuati facultas, somnium vero videt, tam qui paruum, quàm qui magnum possidet censum, & qui victus extremitate laborat. videt speculator pariter, atq; mercenarius, nec cuius aliter, quàm peregrinus, nihilo vero differt apud deum ad vaticinium bubulcus, mancipiumq; , & insanus à cæteris.

teris. Quòd sanè huius conditio
vaticinii admodū popularis est,
certe est humanissimum. quòd
simplex, ac per se paratissima, est
admodum philosophicū. quòd
nō violenta proculdubio pium.
quòd adest vbique, quod ve cogi-
mur adhibere aquam, aut pe-
tram, aut hiatum terræ, diuinif-
simum merito iudicatur. Dece-
bat & inter prima laudare, quòd
eiusmodi vaticinii gratia ne ab
vno quidem negotio vitæ dis-
trahimur, neque tempus conte-
rimus vllum. nemo enim postha-
bitis necessariis, præsentibusq;
negotiis, cubitum abit domum
ad somnium constitutū, sed tem-
pus ipsum duntaxat, quod ne-
cessarium est animali contere-
naturæ instaurandæ gratia, cum
sub

substantia nobis ad perpetuam
vigiliæ actionem sufficere ne-
queat, tempus inquam hoc no-
bis, hoc ipsum vltro largitur,
quod & dici solet, otium nego-
tio maius, coniungens nimirum
optabile, necessario, ac bene esse,
cum simpliciter esse. Contra ve-
ro circa præfagia, illa, quæ in-
strumentis variis aduenire solēt,
optime nobiscum actum existi-
mandum est, si, dum plurimam
vitæ partem sibi vendicat, inter-
ea concedant aliquid cæteris vi-
tæ vsibus, atque actionibus. Qui-
bus si qua in parte prorsus men-
tem intenderis, difficile admo-
dum ad hanc ipsam iuuaberis va-
ticinio. non enim est cuiuslibet
temporis, aut loci apparatus,
supellectilemque capere ritibus sa-

L cris

cris subministrantem. neque facile est secum circumferre instrumenta solennibus necessaria. Atque, vt alia prætermittam, vbi nuper coaceruata supplicia sunt, inmitis quædam est onerositas causæ nauis, quibus cum & aliæ sacrorum partes accedunt, descripti homines videlicet, atque testes, sic enim dictu verius est, quando nostrum hoc seculum multa per legum ministros solet enuntiare, quorum opera iam diuulgati sacrorum ritus in profani vulgi conspectum, auditumque venerunt. Præter enim id, quod infestum est, atque miserum (vt arbitror) his incumbere Deo proculdubio est inuisum, nam non expectare volentem aliquem, sed impulsu,
· vecti

vestibusq; mouere, nihil aliud est quàm vim inferre, quod quidem nec apud homines factum conditor ipse legum reliquerit impunitum. Itaque præter hæc omnia, quæ per ardua sunt apud eos, qui futurum ita rimantur, accedit & actionis ipsius intermissio frequens, & dum vagamur extorres, artis ipsius obmissio. non enim leue opus est oberrantes passim sarcinas ad eiusmodi viaticum secum ferre. Vaticinii vero somnio venientis ipse quisque est instrumentum, vt neq; volentibus quidem oraculum eiusmodi dimittere liceat, sed cum manentibus permanet, cum peregrinantibus æque commigrat, commilitat quoque, simulq; ciuilia tractat,

L. 2 corr

corrusticatur, atque commercatur. Vaticinium hoc nec inuidæ ciuitatis leges vetant, neq; vetare possent, etiam si voluerint. non enim habent, quo vaticinantem eiusmodi reprobent. quid enim dormientes iniuriamur? sed neq; tyrannus insomnia uidere prohibeat, nisi forte somnum ex vrbe procul expulerit, sed & dementis esset impossibilia velle, & impii, mandare naturæ, Deoq; contraria.

Quàm utile vaticinium, & optandum, præsertim per somnia.

AD hoc igitur vaticinium accedere decet fœminas, atque viros antiquos, & iuuenes, pauperes, atque diuites, priuatos, & principes, rusticos, & urbanos, elegantes, atque plebeos. non genus,

nus, non ætatem, non fortunam,
non artem aliquã respuit. omni-
bus passim adest propheta para-
tus, consultor bonus, & tacitus,
sacrorum præceptor, atque disci-
pulus. prædicit quidem bonum,
vt anticipans vsum voluptatem
habeat longiorẽ. prædicit & ma-
lum, vt caueamus incõmodum,
atq; propulsemus. etenim quæ-
cunque siue species genus homi-
num nutriẽtes optima, blandaq;
porrigunt, siue metus affert, pro-
uida, & vtilia omnia somniis in-
sunt, atq; à nullo prorsus ita spe-
rare persuademur, tametsi sperã-
di munus adeo in natura pluri-
mum est, atq; salutare, vt sophi-
stæ prædicẽt elegantes, nec opta-
tuos fuisse homines viuere sic
affectos. quemadmodum sunt ab

initio cōstituti. Respuerēt enim sic viuere difficultatibus vitæ compulsi, nisi Prometheus naturæ spem ipsam inseruisset, tanquam perseuerandi in vita remedium, cuius illecebris irretiti, quod expectāt in futurum, præsentī statu fidelius arbitrantur. Habet autem spes ipsa vim tantam, vt vincētis compedibus, si quando licuerit, incideritq; pro voto sperare (vt ita dicam) soluitur. militat, subito duplo proficit. Paulo pōst regit manipulum, mox ducit exercitum, vincit, maētat, coronatur, conuiuia ponit, mensam parat, si placet, Siculam, si libet, & Medicam. Interea oblitus est pedū, donec iam est ducturus exercitum. atqui hoc est re vera somniantis, & vigilan

gilantis, infomnium. nam circa idem subiectū versantur vtraque scilicet circa naturam phantasticam, quam quoties formare statuimus imaginibus, vnam hęc in primis affert vtilitatem. delinit enim vitam nostram lætitia, animæq; spe uaga blanditur, atq; ita nos a sensu reuocat molestorum.

Exhortatio ad uaticinium somnij comparandum, atque de imaginationis efficacia.

QVando vero natura phantastica proprio munere nobis præsidens spem nobis excitat, id autem accidit somniantibus, somniale promissum tanquam dei pignus, habemus. quãobrem iam aliquis animum suum alacriter instruens tanquã grandioribus vsurus muneribus,

L 4 quæ

quæ in somnium proposuerat. lucrum reportat geminum, tum quòd ante rem ipsam gaudet, tum quòd partis aliquando rebus scienter utitur, propterea quòd iandiu de his fuerit meditata, tanquam vitæ admodum competentibus. Iam vero quam Pindarus spem laudavit de viro scilicet felice locutus dicēs, spem huic almam cor dulce nutrire, eumq; comitari, quæ mortaliū vndiq; nutabundam mentem maxime regit, eiusmodi spem inquam ab eo decantatam. dixerit aliquis, non esse fallacem hanc, quæ decipit vigilantes, quā ipsi nobis effingimus, sed totum hoc ad somniale speciem potius attinere, atque Pindaro dictum ad celebrandam partem
exig

exiguam somniorum. Vaticinium igitur somniale vnà cum arte prosequens, quod apparet, speciem exhibet firmiorem, vt non vtilioris esse generis non videatur. Penelope vero apud Homerum duas somniorum portas inducit, affirmatq; dimidium esse fallax, quoniam somniorum sapientiam non habebat, si enim artem scite ad hæc habuisset, omnia vtique per portam corneam traduxisset. Inducitur ergo illic redarguta, inscitiamq; confessura circa ipsam visionem, cui non credidit, cum credere debuisset, Anseres quidem proci. Ego vero Vlysses sum aquila, hic autem erat contubernalis, atque id erga illum de visione nugabatur. Videor equidem Home-

L 5 rum

rum hic audire dicentem, non decere diffidere somniis, vel vtētium debilitatem ad visorum transferre naturam, apud quem nec Agamemnon iuste somnium criminatur, vt fallax, cum male accepisset oraculum de victoria dicēs, iubeo te thoracibus armare galeatos Achiuos. nunc enim ceperis amplissimā urbē. Properat igitur Agamēnon tanquam repente propriis viribus urbem expugnaturus, vbi quid omnino dictū est, ab oraculo obaudiuit, neq; seruauit. Inquit enim oraculum, superabit sanè, si totum omnino exercitum Græcorū armauerit: at vero neque Achilles tunc, neque Myrmidonum phalanx processit in prælium, pars nimirū exercitus præstātissima.

Quant

*Quantam spem nobis uaticinium
somniaj præbeat.*

MUltas utiq; laudes accu-
mulauimus, veruntamē
quasi desipui. quod enim vatici-
nium somniale connauigat no-
bis, & commoratur, commilitat,
et cōmercatur, omnibusq; omnia
comministrat, paulo antè prædi-
ximus. beneficia vero mihi inde
collata nondum memorauī, ta-
met si in nullo magis quàm phi-
losophiæ cōmercio, cum homi-
nibus communicare solet, multa
sanè vigiliæ dubia, postquā dor-
mitū accessimus, partim patefa-
cit omnino, partim nobiscū am-
bigit, & nunc quidē qui somniat
interrogare videtur, & discere,
nunc etiam inuenire. Mihi qui-
dem sæpe libros mecum vnà,
ment

mentem enim instruxit, orationem composuit, diem partim quidē describeret, partim etiam commutaret, quandoq; vero & totam linguæ dispositionem stolidam, atque tumentem nominum nouitate ob nimium attheæ linguæ antiquioris, duriorisq; amorem vaticiniū hoc per deum corrigens, & partim quidem dictans, partim vero, quid sit, ostēdens, tumores quosdam ingenitos linguæ deliniens leuigauit, tumorē expulit, modumq; adhibuit. Atqui & dum quandoque venarer, vires mihi, insidiasq; subministrabat aduersum feras arte quadam currētes, atq; latentes, quandoq; etiam defatigato, castraq; dissoluenti instare præcepit, promisitq; fortunam in
domi

dominam, adeo, vt dulce foret
venationibus immorari alacri-
ter confidenti. Diuinationo vero
eiusmodi cum primum deesset,
domina aderat, & fortuna. hæc
fanè monstrabat examina irreti-
tarum, captarumq; ferarum. mi-
hi quidem vita libri sunt, atque
venatio, quoniam nunquam le-
gationibus fungi desideravi, exi-
stimans non conferre tres annos
è vita videre nefastos. verum &
tunc plurimum hoc vaticinio, &
maxime sum adiutus. Insidias
enim contra me magorum ani-
mas citantium reddidit impo-
tentes, tum patefaciens occulta,
tum ex omnibus discriminibus
liberās. Itaq; & publica mihi dis-
posuit, vt ciuitates optime rege-
rentur. Regi quoq; magno ma-
iori

iori me fiducia, quàm Græcorum aliquem vnquã, conciliauit.

Somnium affatim nobis uaticinia præstat.

CAeteris quidem cura est aliorum, hoc autem adest omnibus, bonus vnicuique dæmon, atq; iis, qui vigilantes meditati sunt artificiose aliquid inuenire, præceptor occurrit. A deo sapiens res est anima otium agēs à sensuum colluione forensium animæ naturas vndique inferentium alienas. Anima nanque quotcunq; species habet, et quotcunq; accipere solet à mente facta, quandoq; sola perspicuas exhibet ad interiora conuersis, & quæ veniunt à diuino traducit. Nam animæ ita se habenti Deus quoq; mundanus se prorsus adiung

iungit, propterea quòd animæ ipsius natura ex eodem simul, atque ille profluxit. Hæc igitur genera somniorum diuina censeantur, atq; vel omnino, vel quasi penitus integra sunt, atq; perspicua, minimeq; artis indigent adminiculo. Sed hæc quidem solis contingunt hominibus virtute viuentibus, vel per prudentiam, vel per consuetudinem acquisita. sin autem aliquando & aliorum alicui forte contingant, vix quidem, quamuis forte accidant. Verū non in exiguo quodā somniū generosum cuiuslibet accidet, reliquū vero multiplex atq; communissimū genus, illud est omnino reconditum, cuius gratia artem necesse est adhibere. originem nāq; habet absurdam

(vt

(vt ita dixerim) atque monstro-
sam. cumq; ex talibus quibus-
dam pullulet, progreditur ob-
scurissimum. sic enim somnio-
rum se res habet, vt dicam.

*Vaticinium somniorum præsto
omnibus adest.*

AB omnibus, quæ vniuersi
natura comprehenduntur,
siue sint in præsentia, siue facta
fuerint in præterito, siue futura
dicantur, nam & hi sunt quidam
existentiæ modi, idola profluunt,
& ab eorum substantia iugiter
euibrantur. si enim sensibile quid-
libet est *εἶδος*, id est species in
materia, cum materia simul ex-
tensa, deprehendimus autem ex
composito materiam foras ef-
fluere: ratio certe dicit, forma-
rum quoque naturam extrinse-
cus

tus per idola deriuari, vt ex
vtraque parte ea, quæ in genera-
tione versantur, ab ipsa entis di-
gnitate degenerent. Omnium
vero, quæ diximus, idolornm à
rebus vbique manantium spiri-
tus ipse phantasticus speculum
est certe clarissimũ. Aliter enim
circumeuntia, & à statu laben-
tia, tum ob indefinitatem es-
sendi, tum quia à nullo entium
cognoscuntur, cum primum irre-
tiuntur in spiritus animales, qui
& ipsi quidem sunt Idola, sed in
natura habentia sedem, his pro-
tinus innituntur, & tanquam in
domiciliis conquiescunt. Eorum
igitur, quæ facta sunt, vtpote,
quæ in essendi actum iam pro-
cesserunt, perspicua passim ido-
la demittuntur, donec temporis

M diut

diuturnitate debilia tandem, exiguaq; euadant. Eorū vero, quę in præsentia sunt, vtpote, quę adhuc in se cōsistūt, validiora prorsus, & manifestissima simulacra perueniunt, sed futurorū indefinita sunt, & admodum indiscreta. Sunt enim hæc præuolumina quædam rerū nondum præsentium & efflorescentiæ, quædam adhuc imperfectæ naturæ quasi prosilientes forasq; saltantes, & tanquam delitescentiū seminum obscura signacula. Hanc ob causam ad res futuras opus est arte, ab eis enim idola obūbrata, imaginesq; obscuræ procedūt, nimirū nō ut à præsentibus manifestæ.

Ab omnibus profluunt simulacra, quorum speculum, receptaculumq; est spiritus ipse phantasticus.

Mirab

Mirabilis quidem natura
Imaginum ita se prorsus
habentium, vt à rebus nondum
effectis efficiantur. Itaq; iam ali-
quid de hac arte dicendum, qua
ratione valeat comparari. Opti-
mum est in primis, ita diuinum
spiritum præparasse, vt dignus
euadat, cui intellectus, & deus in-
notescat, atq; præsideat. Imaginũ
vero indefinitarum non sit am-
plius susceptaculũ, educatio autẽ
spiritus optima est, tum per phi-
losophiæ studiũ perturbatos se-
dare animi motus, quibus excita-
tis, spiritus ipse quasi regio quæ-
dam penitus occupatur, tum per
moderatũ, temperatumq; victũ,
& animal sic afficere, vt minime
incitabundum sit, & ita compo-
nere corpus vltimum, vt fluctus

minime moueat, nam vsque ad primum vnda redundat. Oportet autem primum semper inconcussum, imperturbatumque seruare. Quoniam vero id optare quidem vnicuique facile, consequi vero præ cæteris arduum, nos autem desideramus somnium esse nullis inutile: age iam vel in rebus indeterminatis terminum aliquem perquiramus. hoc est artem circa idola, id est imagines statuamus. habent se vero hunc in modum.

Quomodo somnia interpretari possimus.

Qui frequenter maria nauigant, si quando scopulum aliquem obuium habent, in quem ascendentes urbem aliquam inde prospiciant, quoties eund

eundem scopulum viderint, eandem inter se significant ciuitatem. quin etiam sæpe duces exercitus, quos nondum videmus, interim à præcursoribus statim affore coniectamus, nam & antea semper eisdem percurrentibus subsequi consueuerunt. eadem ratione per idola res vbiq; futuras præsignare solemus. Antecedentia enim sunt eadem rebus eisdem similiaq; similibus. Quemadmodum igitur gubernatoris ignauia est, eadem occurrente scopulo non agnoscere, neque prædicere quibus litibus applicat, talisq; gubernator coniecturarum subsidio caret: Sic & qui in idem visum sæpius incidens, nisi iam designauerit, quem potissimum euen-

M 3 tum

tum sibi portenderit, siue passio-
nem, siue fortunam, siue actio-
nem, vita dementer utitur, non
aliter, quàm naui gubernator
eiusmodi. Solemus & iouia signa
in aère circumfuso notare, sic cir-
ca lunam orbicularem aream
intuentes procellas fore vatici-
namur. quoniam eandem intui-
tis, sæpius consecuti sint venti.
huc tendit & poëticum illud,
hinc sanè tempestas, hinc tran-
quillitas designatur orbicularis,
nanque area fracta ventos, eua-
nescens vero portendit tran-
quillitatem. duo quidem circu-
li tempestatem præcedunt. ve-
hementiorem vero portendit
procellam circulus triplicatus,
magis etiam si niger occurre-
rit, magis insuper si frangatur,
sic

fic in omnibus & Aristoteles, & ratio dicitur, sensu quidem memoriam, memoria vero experientiam, atque peritiam, hac artem denique comprobari. Similiter & circa somnia debemus incedere.

*Non potest communis, eademq; regula
somnia interpretandorum
singulis adhiberi.*

PLeriq; libros de obseruantia somniorum eiusmodi multos composuerunt. Ego autem hæc omnia rideo, iudicans prodesse perparum. non enim sicut corpus hoc vltimum, id est elementorum inter se conciliatorum, coitus suscipere potest artem vniuersalem, sermonemq; naturæ pariter subsequente. nam vt plurimum eadem patitur ab eisdem,

M 4 cum

cum in rebus conformibus exigua sit inter se discrepantia, quod' ve in eis præter naturam se habens ægrotat, latere non solet. ideoq; nec utimur tali quadam indice regula, non inquam, ita se habet spiritus ipse phantasticus, sed & ab origine prima alius discrepauit ab alio. alius enim cum sphæra congruit alia, quatenus in eius contemperatione, illa præualet aut illa. Hinc poëticum illud, præcipue vero animæ beatissimæ animarum cœlitus in terram profluunt, atque illæ præ cæteris opulentissimæ, & inæstimabilia fila sortitæ. Quæcunque munus sortitæ sunt à splendido Rege, & quæ ab ipso Ioue veniunt potentis filo necessitatis, hoc insuper

per erat, quod clam innuit & Timæus, ubi tradidit unicuique animæ collegam stellam, siue confertam. Animæ vero, & à natura sua delapsæ, ex eo, quòd circa materiam libentius habitant, hæc quidem minus, illa vero magis, quatenus vnaquæque ipsa quasi lancis inclinatione usa est, infeliciter spiritum inquinavit. Inhabitantes igitur corpora sic affectæ, totaq; inde vita in delicto, morboq; species agitur, certe præter naturam, quantum ad generositatem speciei attinet, secundum vero naturam quantum spectat ad animal, nam à spiritu sic affecto est animatum, nisi & ipsi natura sit ordo, in quem à seipso est, ordinatur, prauitate, virtuteq; utens, nihil

M 5 enim

enim æque, ac spiritus, facile est, atque vertibile. Quonam igitur pacto in rebus inter se dissimilibus, tum natura, tum lege, tum passionibus resultant, & appareat eadem ab eisdem? certe neque fit ita, neque fieri potest. Quo enim modo aqua turbida simul, atque perspicua, siue agitata simul, atque quieta sub eadem forma similiter affici potest? sin autem & conditio turbida alia sit, in alio secundum colorum differentias, atque ipsi motus in configurationibus variis, sic utique vnum quidem erit genere aberrare à sincera prorsus imagine, specie vero diuersum. Siue igitur Phemonoë, siue Melampus, siue alius quisquam profiteatur communem
de

de rebus eiusmodi regulam de-
finire, ac penitus ordinare, quæ-
remus ab eis, nunquid speculum,
tum rectum, tum peruersum,
tum ex materiis dissimilibus si-
milẽ obiecti reddere possit ima-
ginem? Sed illi nec à principio
quidem de spiritu philosophati
sunt quicquam. Proprium vero
ipforum spiritum, vtcunq; se ha-
beat, omnium esse regulam exi-
stimant, & examen, atq; ego qui-
dem non nego per omnia inter
se differentia, congruentiã quoq;
aliquã inueniri, sed enim ipsum,
quod obscurum est, dispersum,
euadit obscurius, erat & ab ini-
tio difficile cognitu rei præexi-
lientis idolum. Difficilius quoq;
in vno quoque modo, more' ve
percipere aliquid communi viso
perfi

per simile, atque prorsus accommodatum.

*Vnusquisque somnia sua, & suos
inde obseruat euentus.*

HIs de causis nullo modo sperandum est, leges insomniorum statui posse cunctis æque communes, debet autem potius vnusquisque se ipsum quasi artis habere materiam, & in memoria scribere potest qualia visa, in quales euentus incidit. non enim difficile admodum habitus congregabit circa rem, quam vsu quodam, vel indigentia meditatur, vsus nanque necessitas'ue meditationem memoriæ suggerit, præsertim quando vbique materia suppetit. In somniis autem nihil est abundantius, nihil iterum, quod animos

mos ad se magis adducat. Nam & stultos compellunt ad aliquid de somniis meditandum, atque curandum adeo, vt turpe sit futurum, homines implentes à pubertate decennium altero vate adhuc indigere, nec iam penes se ipsos multas eiusmodi artis regulas cumulasse. Opera-pretium vtique foret, visa, & accidentia sigillatim, tum vigiliæ, tum somni, literis commendare, nisi consuetudo ciuili nouitatem huius excogitationis horreret. hac ipsi venia iudicamus diurnalibus annotationibus, annotationes quoque nocturnales esse quotidie coniungendas, atque ita vtriusque vitæ humanæ status tenere actus commentariis commendatos. uitam nanq;
uilib
aliq

aliquam in imaginatione positam ratio posuit, nunc quidem meliorem media vita, nunc vero deteriolem. Quantum videlicet sanitatis, aut morbi spiritus habet. Sic igitur si sedula quadam opera obseruationem huiusmodi prosequamur, ex qua ars paulatim accumulatur, dum nihil dilabitur è memoria, & alioquin vrbana hæc erit oblectatio, & exercitatio animi, dum nostra, tum vigiliæ, tum somni honoramus historia, & ad eloquentiam hæc exercitatio conferet. Quibus enim curæ est exercitatio linguæ, nullum (vt arbitror) est inuentum hoc accommodatius ad dicendi facultatem in omnibus exercendam. si enim Lemnius sophista scripta quotidiana

diana tradit esse optimos præceptores ad singula passim apte dicenda, propterea quòd neque minima negligentur, sed oporteat omnia tum grauiâ, tum leuiâ eloqui, cur non etiam nocturnas annotationes interpretationis gratia colere debeamus?

*Quàm uaria, & fallax, & lasciua sit
in somnijs phantasia.*

NOuerit utiq; aliquis quantum opus aggressus fuerit, qui sermonem visis adæquare uoluerit, in quibus separantur quidem, quæ natura cohærent, coniunguntur autem, quæ sunt natura discreta, atque & ratione, disputatione q; opus est ad hæc, ut visum, quod non occurrit, occurrat, neq; etiam leue opus est motionē prodigiosam, atque

atque obsurdam suborientem animæ in alterum traducere modum. Quando vero phantasia expelluntur quidem ab essendi munere, quæ sunt, introducuntur vero vicissim in esse, quæ nusquam, & nullo modo vel sunt, vel naturaliter existere possunt, quisnam modus est visis intrinsecus incogitabilibus obstruere naturam prorsus inominabilem? Hæc autem ista neque species multas, simulque omnes, neque cum tempore ferens ostendit, tametsi hæc, ut habet, & porrigit somnium, incidunt. Putamus enim quicquid voluerit animis occursum, in quibus sanè omnibus exprimentis longius immorari, & id quidem absque ineptitudine perfectissimi

ētissimi oratoris est opus, exul-
tat quidem hæc infomniorū ia-
ētabūda materia aduersus ipsam
dignoscendi naturam, plus ali-
quid inferēs, quàm simplex exi-
stimatio ferat. neq; enim absque
passione circa visa versamur, sed
vehementes quidem constitu-
tiones, affectionesq; contingunt,
odia quoq; nō minima veniunt,
& frequentia circa hæc veneficia
dormientibus imminent. volu-
ptas sanè tunc maxime præua-
let, atq; hic vitæ status propen-
sius admodum blandissimis ille-
cebris est obnoxius, vsque adeo,
vt subolescant animo amores, &
odia in vigiliam duratura.

*Quàm prodigiosa in somnijs ua-
rietas phantasiæ.*

N

Si quis

SI quis autem non vana sit
locuturus, sed cuius gratia
sermo est institutus, absoluturus,
in hac ipse videlicet affectione,
eiusdemque existimationibus,
perceptionibusque; constituere au-
ditorem, verbis utique, quæ mo-
ueantur, egebit. Iam vero & ali-
quis simul vincit, gladiatur, vo-
lat, capit enim omnia phantasia.
Oratio vero quomodo capie-
tur? dormit aliquis somnium, &
insomnia videt, ac surgit interea
dormiens, ut existimat, & iacens
excutit somnum. Philosophatur
& aliquid de apparente somnio,
utrunque nouit, atque hoc est
somnia, illud vero duplex. de-
inde non adhibet fidem, putatque;
quod adest, esse verum, & quæ
apparent, esse viuentia. Hinc er-
go to

go totis viribus concertatur, & somniat aliquis certamen aduersus se ipsum, tum dimittere, tum etiam excitare, periculumq; sui facere, & fallaciam deprehendere. Ferunt sanè Aloidas pendere pœnas, quod Thessalicos montes superextruxerint contra deos. dormientem vero nulla ineuitabilis sententiæ lex aliquando vetat seipsum in altũ à terris attollere fortunatius Icaro, & Aquilas superare volatu. summas quin etiam sphæras superuolare, vbi & aliquis eminus orbem terræ considerat, & hunc non inspectum lunæ significat. Licet & disputare cum stellis, atque cum diis occultis in mundo congre- di. Quando enim factu difficillimum est, fit ibi facillimum, tunc

N 2 mani

manifesti palàm dii prorsus occurrunt, neque horum nulla est inuidia. Paulopost in terris residet, neque processit quidem, sed protinus adest, nihil enim magis est proprium somniorum, quàm intercipere medium, nec agere tempore, sic utiq; statim loquitur cum ouiculis, atque balatum putat esse sermonem, & quæ loquuntur intelligit, adeo itaque noua, adeo lata est argumentorum materia, prouinciaq; tractandi, si quis in somniis contenderit accommodare sermones. arbitror equidem fabulas quoq; suam ab insomniis licentiam, & copiam accepisse, in quibus pauo loquitur, & vulpes, & mare, tametsi hæc exigua sunt, si cum insomniorum licentia conferantur.

tur. atqui fabulæ, quamuis sint pars minima somniorum, tamen à sophistis coluntur, ac dignæ interpretatione censentur. dece- ret vero quibus principium ar- tis est fabula, eisdem insomnium esse finem, præsertim cum non frustra in his dicendi facultas exerceatur, quemadmodum nec in fabulis temere, sed profun- dioris sententiæ aliquid ibi la- teat.

*Quòd utile sit uitæ simul, & eloquen-
tiæ notare quotidie, quæ somnia-
ueris, quæ feceris, quæ ti-
bi contigerint.*

A Ccingat se igitur vnus- quisque, cui datur otium, suppetitq; victus ad omnia con- scribenda, quæ vel vigilantibus, vel dormienti contingunt, expen-

N 3 dat

dat in hoc temporis aliquid, à quo quidem optimum est, quod alibi intelligentia comparatur vaticinium, scilicet artem, quam laudauimus, cōgregare. qua quidem re nihil esse potest vtilius. quinetiam neque dicendi ratio, hinc obiecta erit tantarum consequentia rerum. Philosopho sane tractatus eiusmodi ludus erit, atq; solatium, dum nimiam mentis remittet intentionem, quemadmodum Scythæ sagittarii solent arcum. Rhetori vero tanquam demonstrationum suarum summam & apicem eiusmodi statuemus. quoniam non opportune dicendi facundiam, vehementiaq; exercere videntur. Milciadi inquam, atque Cimoni, & quibusdam etiam ignobilibus, ac opulento,

lento, & inopi, ciuilia quoq; habentibus odio. Pro quibus equidem antiquos etiam vidi viros in theatro acriter concertantes, quanquã erant philosophiæ nomine venerabiles, & vterque (vt videbatur) produxerat barbæ talentum. Verum nõ prohibuit eos professionis reuerẽtia in conuitia, iurgiaq; efferri, & immodeste circũuertere manus in disponẽdis sermonibus abunde pro viribus, sicut ego tunc arbitrabar, idoneis. vt autẽ retulerunt, qui me postea docuere, neq; tunc erant illi, neque aliquando fuerant, nedum idonei, sed nec ab initio in natura. quo enim pacto ciuilitas erit eiusmodi, quæ victori præmium dederit interficienti ciuem aliter de Repu. sen-

N 4 tient

tientem? Iam vero quicumque nonagenarius figmentum adhuc meditatur, atque contendit, in quod nō tempus verborum differat veritatem. Omnino nomen quidem ipsum meditationis intelligere mihi videntur, vbi aiūt propter aliud se studere, hi autem apparatus esse finem existimarunt, viāq; ipsam, qua oportet incedere, pro termino coluerunt. Ipsam nanque meditationem fecere certamen. Quemadmodum si quis tum in palæstra exercuerit strenue manus, Pancratiū in ludis profiteatur olympicis, adeo igitur & mentis ariditas, & affluētia verborum homines occupavit, vt esse videantur aliqui in dicēdo quidem potentes, non habentes autem quid sit

fit eloquendum, cū tamen oportuerit, ita se comparasse quemadmodum Archilocus, & Alcæus, quorum vterque propriæ vitæ gratia erogarunt vocis canore dulcedinem. itaq; posteritas memoria tenet, quibus oblectabatur, quibusve dolebāt. non enim in argumentis confictis vanos effudere sermones, quemadmodum recens hoc sapientum genus facere solet, neque aliis suum largiti sunt bonum, sicut Stefichorus, & Homerus, qui genus quidem heroicum carminibus suis illustrius reddiderunt, vnde & nos ad virtutem proficimus imitandam. Illi vero, quātum in eis est, neglecti videntur, de quibus nihil amplius habemus dicere, nisi quòd strenui fue
re po

re poëta. Quisquis igitur apud
posterios exoptat memoriã, con-
fidentq; mandare posse literis im-
mortalia, prosequatur scribendi
rationem à nobis præter com-
munem consuetudinem in præ-
sentia comprobata. Deponat
se ipsum audacter apud tem-
pus. Fidus enim est custos,
quando secundum
deum huic ali-
quid cre-
ditur.

FINIS.

